

青藤書屋文集

一





青藤書屋文集

(一)

徐渭著

本館據海山仙館
叢書本排印初編
各叢書僅有此本

徐文長集序

元美于鱗文苑之南面王也。文無二王。則元美獨矣。余衣青衿。揖王李於藩。李長鬚而修下。王短髮而豐下。體貌無奇異。而囊括無遺士。所不能包者兩人。頎偉之徐文長。小銳之湯若士也。徐自詭江淹。遺湯藻筆。意欲包湯。湯不應。徵余牘。余亦不應。囊空無士。而晚乃包瓠肥之袁中郎。所謂桓譚者矣。往余開龍月玉文之館。中郎與陶周望偕來。啖以珥。食有楊家果。中郎揉梅染珥。其章赤白。因問袁。世文章誰爲第一。陶睨袁。匿笑曰。將無語長孺徐文長第一耶。袁曰。如君言。豈第二人乎。且讓元美家鈍賊第一耶。偶諸生耳。屬壁衣。各駭詫。聲稍稍出衣外。袁起大索。此有賊黨。可急逐之。令僵死。中原白雪中。余始知文長囊有此士。奉文長居然南面王矣。當是時。文苑東坡臨御。東坡者。天西奎宿也。自天墮地。分身者四。一爲元美。身得其斗背。一爲若士。身得其燦眉。一爲文長。身得其韻之風流。命之磨蝎。袁郎晚降。得其滑稽之口。而已。借光壁府。散煒布寶。四子之文章。元美得燔豕用膠之法。若士得供石作字之法。文長得模書雙雕並搏之法。而中郎得醞釀真乙酒之法。取以調劑。諸子獨推文長。文長遂爲第一。迨評選傳。眞爲第一矣。無聞而駭詫者矣。第燒猪了元和墨。潘衡不甘僵死。藉令展天屏。遮天溷。接文長之末光。亦十六星之分身也。異日顯出於囊。有利無鈍。人各媚其主耳。不乃有南北朝乎。是余之調劑諸子也。奎形似履。隻履不良於行文。行遠者也。萬歷甲寅孟秋。錢塘虞淳熙長孺父書於山館。

徐文長傳

同郡陶望齡撰

徐渭，字文長，山陰人。幼孤，性絕警敏。九歲能屬文，年十餘，做楊雄解嘲作釋毀，二十爲邑諸生。試屢雋。胡少保宗憲總督浙江，或薦渭善古文詞者，招致幕府，筭書記。時方獲白鹿海上，表以獻，表成，召渭視之。渭覽罷，瞳視不答。胡公曰：「生有不足耶？」試爲之，退具藁進。公故豪武，不甚能別識，乃寫爲兩函，戒使者以視。所善諸學士董公份等，謂孰優者，卽上之。至都，諸學士見之，果賞渭作表進。上大嘉悅，其文旬月間遍誦人口。公以是始重渭，寵禮獨甚。時都御史武進唐公順之，以古文負重名。胡公嘗袖出渭所代，謬之曰：「公謂予文若何？」唐公驚曰：「此文殆吾輩後又出他人文。」唐公曰：「向固謂非公作，然其人誰耶？」願一見之。公乃呼渭偕飲。唐公深獎歎，與結驩而去。歸安茅副使坤，時游於軍府，素重唐公，嘗大酒會，文士畢集。胡公又隱渭文，語曰：「能識是爲誰筆乎？」茅公讀未半，遽曰：「此非吾荆川必不能。」胡公笑謂渭：「茅公雅意師荆川，今北面於子矣。」茅公慙慍面赤，勉卒讀。謬曰：「惜後不逮耳，其爲名輩所賞服如此。」渭性通脫，多與郡少年昵飲市肆，幕中有急需，召渭不得，夜深開戟門以待之。偵者得狀，報曰：「徐秀才方大醉，曠不可致也。」公聞，反稱甚善。時督府勢嚴重，文武將吏庭見，懼誅責，無敢仰者。而渭戴敝烏巾，衣白布澣衣，直闖門入，示無忌諱。公常優容之，而渭亦矯節自好，無所顧請。然性豪恣，間或藉氣勢以酬所不快，人亦畏而怨焉。及宗

憲被逮。涓慮禍及。遂發狂。引巨錐刺耳。刺深數寸。流血幾殆。又以椎擊腎囊。碎之。不死。涓爲人猜而妬。妻死後有所娶。輒以嫌棄。至是又擊殺其後婦。遂坐法繫獄中。情慙欲自決。爲文自銘其墓曰。山陰徐涓者。少慕古文詞。及長益力。旣而有慕於道。往從前長沙守季先生究王氏宗旨。謂道類禪。又去叩於禪。久之。人稍許之。然文與道終兩無得也。賤而惰且直。故憚貴交。似傲與衆處。不浼袒裸。似玩人或病之。然傲與玩亦終兩不得其情也。舉於鄉者八。而不一售。儻數椽儲瓶粟者十年。一旦客於幕府。典文章。數赴而數辭。投筆出門。人爭恐而危之。而已深以爲安。其後公愈折節等布衣。留者兩朞。贈金以數百計。人爭榮而安之。而已深以爲危。至是忽自覓死。人曰。涓文士。且操潔。可無死。不知古文士以入幕操潔而死者衆矣。乃涓則自死。孰與人死之。涓爲人度於義無所關時。輒疎縱不爲儒縛。一涉義所否。雖斷頭不可奪。故其死也。親莫制。友莫解焉。平生有過不肯掩。有不知耻以爲知。斯言蓋不妄者。其自名如此。然卒以援者力獲免。旣出獄。縱遊金陵。北客於上谷。居京師者數年。獄事之解。張宮諭元怵力爲多。涓心德之。館其舍旁。甚驩好。然性縱誕。而所與處者頗引禮法。久之。心不樂。時大言曰。吾殺人當死。頸一茹刃耳。今乃碎糜吾肉。遂病發。棄歸。旣歸。病時作時止。日閉門與狎者數人飲。噓而深惡諸富貴人。自郡守丞以下。求與見者皆不得也。嘗有詣者。伺便排戶半入。涓遽手拒扉口應曰。某不在。人多以是怪恨之。晚絕穀食者十餘歲。人問何居。曰。吾噉之久。偶厭不食耳。無他也。尤不事生業。客幕時。有餽之洮絨十許匹者。遂大製衣被。下及所嬖私褻之服。靡不備者。一日都盡。及老貧甚。鬻手自給。然人操金請詩文書繪者。值其稍裕。卽百方

不得遇窘時乃肯爲之。所受物人人題識。必償已乃以給費。不卽餒餓不安用也。有書數千卷。後斥賣殆盡。幃堯破弊。不能再易。至藉藁寢。年七十三卒。渭爲諸生時。提學副使薛公應旂閱所試論。異之。置第一。判牘尾曰。句句鬼語。李長吉之流也。及被遇胡公。值比歲。公思爲渭地。諸簾官入謁。屬之曰。徐渭。異才也。諸君校士而得渭者。吾爲報之。時胡公權震天下。所出口無不欲爭得以媚者。而偶一人晚謁。其人貢士也。公心輕之。忘不與語。及試。渭牘適屬令事將竣。諸人乃大索獲之。則彈擿遍紙矣。人以是歎渭無命。而服薛公知人焉。渭於行草書尤精奇偉傑。嘗言吾書第一。詩二。文三。畫四。識者許之。其論書主於運筆。大槩昉諸米氏云。所著文長集。闕篇。櫻桃館集。各若干卷。今合刻之。註莊子內篇。參同契。黃帝素問。郭璞葬書。各若干卷。四書解。首楞嚴經解。各數篇。皆有新意。渭父總。以龍里衛戍籍領貴州鄉薦。始至龍里也。土人譁之。總以教讀自晦。授童子孝經。故謬其讀。土人笑曰。是不足逐也。已而得薦。仕至夔州府同知。渭貌脩偉。肥白。音朗然如唳鶴。常中夜呼嘯。有羣鶴應焉。二子曰枚。枳。

陶望齡曰。越之文士著名者。前惟陸務觀最善。後則文長。自舉業盛行。操翰者羞言唐宋。知務觀者鮮矣。況文長乎。文長負才性。不能謹飾節目。然蹟其初終。蓋有處士之氣。其詩與文亦然。雖未免瑕類。咸以成其爲文長者而已。中被詬辱。老而病廢。名不出於鄉黨。然其才力所詣。質諸古人。傳於來禩。有必不可廢者。秋潦縮。原泉見。彼豚喧汜溢者。須臾耳。安能與文長道脩短哉。文長沒數載。有楚人袁宏道中郎者。來會稽。於望齡齋中見所刻初集。稱爲奇絕。謂有明一人。聞者駭之。若中郎者。其亦渭之桓譚乎。

徐文長傳

公安袁宏道撰

余少時過里肆中見北雜劇有四聲猿意氣豪達與近時書生所演傳奇絕異題曰天池生疑爲元人作後適越見人家單幅上有署田水月者強心鐵骨與夫一種磊塊不平之氣字畫之中宛宛可見意甚駭之而不知田水月爲何人一夕坐陶編修樓隨意抽架上書得闕編詩一帙惡楮毛書煙煤敗黑微有字形稍就燈間讀之讀未數首不覺驚躍急呼石簣闕編何人作者今耶古耶石簣曰此余鄉先輩徐天池先生書也先生名渭字文長嘉隆間人前五六年方卒今卷軸題額上有田水月者卽其人也余始悟前後所疑皆卽文長一人又當詩道荒穢之時獲此奇秘如甃得醒兩人躍起燈影下讀復叫叫復讀僮僕睡者皆驚起余自是或向人或作書皆首稱文長先生有來看余者卽出詩與之讀一時名公鉅匠駭駭知嚮慕云文長爲山陰秀才大試輒不利豪蕩不羈總督胡梅林公知之聘爲幕客文長與胡公約若欲客某者當具賓禮非時輒得出入胡公皆許之文長乃葛衣烏巾長揖就坐縱譚天下事旁若無人胡公大喜是時公督數邊兵威振東南介冑之士膝語蛇行不敢舉頭而文長以部下一諸生傲之信心而行恣臆譚諠了無忌憚會得白鹿屬文長代作表表上永陵喜甚公以是益重之一切疏記皆出其手文長自負才略好奇計譚兵多中凡公所以餌汪徐諸虜者皆密相議然後行嘗飲一酒樓有數健兒亦飲其

下不肯留錢。文長密以數字馳公。公立命縛健兒至麾下。皆斬之。一軍股慄。有沙門負貲而穢。酒間偶言於公。公後以他事杖殺之。其信任多此類。胡公既憐文長之才。哀其數困。時方省試。凡入簾者。公密屬曰。徐子。天下才。若在本房。幸勿脫失。皆曰。如命。一知縣以他羈後至。至期方謁。公偶忘屬。卷適在其房。遂不偶。文長既已不得志於有司。遂乃放浪麴蘖。恣情山水。走齊魯燕趙之地。窮覽朔漠。其所見山奔海立。沙起雲行。風鳴樹偃。幽谷大都。人物魚鳥。一切可驚可愕之狀。一一皆達之於詩。其胷中又有一段不可磨滅之氣。英雄失路。托足無門之悲。故其爲詩。如噴如笑。如水鳴峽。如種出土。如寡婦之夜哭。羈人之寒起。當其放意。疇疇千里。偶爾幽峭。鬼語秋墳。文長眼空千古。獨立一時。當時所謂達官貴人。騷士墨客。文長皆叱而奴之。耻不與交。故其名不出於越。悲夫。一日。飲其鄉大夫家。鄉大夫指筵上一小物求賦。陰令童僕續紙丈餘進。欲以苦之。文長援筆立成。竟滿其紙。氣韻適逸。物無遁情。一座大驚。文長喜作書。筆意奔放如其詩。蒼勁中姿媚躍出。予不能書。而謬謂文長書決當在王雅宜。文徵仲之上。不論書法而論書神。先生者。誠八法之散聖。字林之俠客也。間以其餘。旁溢爲花草竹石。皆超逸有致。卒以疑殺其繼室。下獄論死。張陽和力解。乃得出。既出。偏強如初。晚年憤益深。佯狂益甚。顯者至門。皆拒不納。當道官至。求一字不可得。時攜錢至酒肆。呼下隸與飲。或自持斧擊破其頭。血流被面。頭骨皆折。揉之有聲。或槌其囊。或以利錐錐其兩耳。深入寸餘。竟不得死。石簣言。晚歲詩文益奇。無刻本。集藏於家。予所見者。徐文長集。闕編二種而已。然文長竟以不得志於時。抱憤而卒。石公曰。先生數奇不已。遂爲狂疾。狂疾不已。遂爲囹圄。古

今文人。牢騷困苦。未有若先生者也。雖然。胡公間世豪傑。永陵英主。幕中禮數異等。是胡公知有先生矣。表上。人主悅。是人主知有先生矣。獨身未貴耳。先生詩文崛起。一掃近代蕪穢之習。百世而下。自有定論。胡爲不遇哉。梅客生嘗寄予書曰。文長。吾老友。病奇于人。人奇于詩。詩奇于字。字奇于文。文奇于書。予謂文長無之而不奇者也。無之而不奇。斯無之而不奇也哉。悲夫。下奇字音機。

青藤書屋文集目錄

卷之一

賦

涉江賦

牡丹賦

鞠賦

荷賦

梅賦

前破械賦

後破械賦

畫鶴賦

緹芝賦

十白賦有序

鹿二隻

卷之二

樂府

兔

鵲

猴

鸚鵡

鸚鵡

龜四

麋

鼠

黃頭

張家槐

悲變歌

歌風臺四首

沿秦望溪水

予嘗夢晝所決不爲事心惡之後讀唐書

秦望山東南下折有峯紫鐵色錯豎似花

李堅貞傳稍解焉

藟土人呼雄鵝突余贈名花藟峯

六昔

海樵山人新構二首

卷之三

四言古詩

讀莊子

鴈臺詩

海上曲二首

土魯番貢獅

日暮進帆富春山

卷之四

發嚴州舍舟登陸縱步十五里憩山麓叢

五言古詩

榛遠眺江中恠石

與林玉兩上人登會稽最高山山出秦望

將至蘭溪夜宿沙浦

上率可五六里玉公早有來歸之意因

早發仙霞嶺

賦以止之

自浦城進延平

來晨憩廣孝寺

夜宿邱園喬木蔽天大者幾十抱復有修

登秦望山

藤數十尋縣絡溪渚

涪澹灘

泛舟九曲

武夷道士示予魏王子騫蛻首見紫氣

丙辰八月十七日與肖甫侍師季長沙公

閱龜山戰地遂登岡背觀潮

十八日再觀潮於黨山

蕭荷花祠

送明教往上海

寄善畫葛君

入燕

古山篇贈余君

贈陳君

戒舞智

寄彬中

答和公旦

雪

寄王子心葵

寄陶工部

筠石篇

蔣扶溝公詩并序

柳浪堤楚頌亭爲溧陽史氏題二首

昨見

偶也

狐粉

補屋

作松棚

理葡萄

刈圃

甌礪研

問軍中之系於國用

避暑豁然堂大雨

從人間買也二物在會稽倪光簡家地

哀駱懷遠公驗詞

中於萬歷元年掘得之地在山陰二十

野鴛

七都應家頭之西尙有一白磁獅子及

范母詩

諸銅器銅器出則腐敗矣獅尙藏光簡

白鵬

家 閩有黃兔窰二首

越王嶧寺有僧歐兜蛻

送蘭公子

子效索贈其兩叔

夜雨偕友人進舟雲門

送章蒲圻之官

天目獅子巖

柳元穀以所得晉太康間冢中杯及瓦券

燕子磯觀音閣

來易余手繪二首券文云大男楊紹從

野火

土公買冢地一坵東極闕澤西極黃滕

鷹

南極山背北極於湖直錢四百萬卽日

馬

交畢日月爲證四時爲伍太康五年九

犬

月廿六日對共破剪民有私約如律令

狸

詳玩右文似賞於神若今祀后土義非

俠客

麗人

才子

酒徒

游大尖

空上人常住少林索作於菊下

宗孫有別字柱南者索賦

上冢

鶴擢鵲雛鷹黨翻然來救

感鷹活鵲雛事因憶曩衛衙梓巢鶴父死

於弩頃之衆擁一雄來匹其母母哀鳴

百拒之雄却盡啄殺其四雛母益哀頓

以死羣凶乃挾其雄逸去

設爲魚蝦所詰

天竺僧

煩吳伯子治墓堂

早禱十七韻次陳長公

陳長公餉日鑄茶瓦窰港銀魚白下法炮

巨鼈夜酌深談次其韻

修拄杖首修髮網膠漏磁壺及哥窰甌某

亦病隻耳聾次前韻

早甚久不應禱再追前韻

送友人

送王雪漁北上

吳季子餉我細腰壺蘆石上芝二首

大寒嶺啖新胡桃頻婆諸果

往馬水口宿煙麓陀庵

湘竹一妙管付截壞其頂文

口中

騶虞

壘陽十首

卷之五

七言古詩

贈呂正賓長篇

三茅觀觀潮

陰風吹火篇呈錢刑部君附書

楊妃春睡圖

雪

萬里比鄰篇贈嘉則

述夢二首

今日歌

二馬行

送蘭應可之湖州

觀獵篇并序

題侄子家所藏雙鳳鳴陽畫

畫廳

贈歌者

對明篇

繼溪篇

北雲篇

賦得百歲萱花爲某母壽

楚宗室雞將啄蟻畫

沈刑部善梅花却付紙三丈索我雜畫

送陳君會試

天壇

十六夜踏燈與璩仲玉王新甫飲於大中

橋之西樓

六月七日之夕與梅君客生及諸鄉里趁

涼於長安街醉而稱韻得片字

摩訶庵括子松下聽弦上人彈琴

諠雪

白鵬詩

握錐郎

星渚篇

無題

廿八日雪

題畫

鄭本白兔

沈叔子解番刀爲贈

客強予畫十六種花因憶徐陵雜曲中二

八年時不憂度之句作一歌因爲十六

花姨歌舞纏頭亦便戲效陵體用陵韻

予作花十二種多風勢中有榴花題其卷

首曰石醋醋罵座

嚙

王鵝亭鴈圖

畫百花卷與史甥題曰漱老諳墨

又岡卉應史甥之索

九馬圍人圖二圍醉瀕墮

完淳篇

閩工某募伯時昭君下嫁圖單于親近之

隨騎士胡姬嬌嬌而騎與單于竝獰健

可畏鞞衣結束文馬華旌及姬之靴帽

竝妍絢可愛而掌琵琶者尤勝胡決不

辦此李蓋以意爲之取悅人目馬三兄

投賦賦之

朱次公讀書飛來山羣諺過訪攜飲塔顛

方拈六韻擬賦雨至踉蹌而下漫聞次

之

崧臺醋

張旭觀公孫大娘舞劍器

書茅氏畫

桃花堤上看美人走馬

附畫風竹於箠送子甘題此

春日過宋諸陵二首

漁圖

孟后怨

壽王生

竹月篇爲易道士賦

沈將軍詩

寄尙賓因借石磬

春野圖

宛轉詞

劉雪湖梅花大幅

湖嚴氏有二女其翁以長者許渭繼室渭

洞巖入鼈口有石枰石橋及石池諸景

自愆盟頃聞爲海寇斷其翁臂二女俱

蘭泉篇

被執旋復放還便已作宛轉詞憐之後

卷之六

五言律詩

知其長女被執時卽自奮墮橋死幼女

銅雀妓

放還亦死因復賦此宛轉詞中覆水句

出塞

正悔愆盟也

琉球刀二首

順昌道中新晴

西北三首

十六夜宿葉坊玩月

杜鵑花

古鏡

陳女度尼

金客

贈相士

分賦得吳山送俞君還轅

芸閣校書篇

飲雲居松下眺城南

送內兄潘伯海謁選

聚法師將往天台止其徒玉公庵中余爲

留信宿

省試周大夫贈篇罷歸賦此

豐吏部公邀泛西湖觀荷明日寄作令與

嘉則敍父追和

賦得戰袍紅

嚴先生祠

白鷗

初入京瞻宮闕

來青亭

元旦與肖甫較射

季長沙公哀詞

懷陳將軍同甫

鈕大夫園林

送高叟入燕

背樹

賦得看劍引杯長

賦得暗塵隨馬去

賦得芹芽

鎮江

王山人丹房

仲春李子遂季子牙史叔考坐雨禹跡寺

景賢祠中醉餘賦詩竝用街字子遂來

自建陽一別數載

法相寺看活石

侶琴篇爲趙子賦

寶刀詩

答謝上谷諸公

書篋贈顧鴻臚

王口北見遺貂帽因往

納妾詩

峻霞篇爲天台黃子賦

梨

杏

李

頻婆

胡桃

白櫻桃

土豆

薯蕷

鐵脚

黃鼠

半癡

酒三品

荔支二首

熊

黃羊

河豚

送薛鴻臚左官袁州

雨

夕霞三首

送某子北上

某君中貢選送之

人言鳳尾蕉花於某縣庭命作

壽葛貞母

乙亥元日雪酌梅花館二首

初夏送某客入廣

賦得風入四蹄輕四首

雨舟載鶴詩

元夕之辰偕友人集九里之天瓦寒泉二

庵各賦井序

擬壽長春祠何老

京中送友人南歸

送蔡安父之黃州

與葛景文

畫紅梅

畫竹

筵中漫贈王良秀筆史

吳門逢孔將軍於塾

書倪元鎮畫

無題

賦得草窻篇爲周衛卿之號

食虎眼

蠓五首

胡市歸

客餉我笋脯一小筐穉而甘澹擬謝

聞人賞給事園白牡丹三首

化城寺

明日至古博嶺雨

京邸贈沈刑部

哀周鄭州沛二首

曉發句容

送沈叔子南都迎母

七言律詩

送馮叔系之南都訪舊

君從

景文至其舅劉所過園中

九重

送俞生之入楚

白燕一首

張子錫往訪其弟長治

續白燕二首

與任生話舊

寄成女彝守備登州

送張君會試

送方阜民公子還歙

挽上虞葛翁

送通政胡君入閩

授經館中懷江東諸同志

言游武夷道中撫景因憶往年尙賓呂君

蠟屐

天台之約

題雪景畫

落花

爲陶工部贈道者

泊閩門值閏月中秋

將遊五泄宿吳系山庄遇陳老迎餉邀余

送葛輶仲

輩先登峨眉不果

飲枇杷園贈某君東道

十四夜

月下梨花四首

新建伯遺像

夜酌遲友人不至

贈府吳公詩并序

與客登招寶山觀海遂有擊楫岑港一窺

賊壘之興謹和開府胡公之韻奉呈

爲子微題鷗鵠圖

兩宿齊雲下憩逆旅夜大雪因復登眺

孫忠烈公挽章

下第回值九日登塢土山訪北庵上人

訪玉芝師夜宿新庵同蕭女臣

往年觀伎走解意當是北產故綴四律首

章用北語今年復來知是金陵上元人

又攜一少伎同坐鑪上分鐙放體空中

名曰童子拜觀音乃昔年所無者

與王山人對語

乙丑元日大雪自飲至醉遂呼王山人過

尙志家痛飲夜歸復浮白於園中

飲太白樓

楊道人訪我于繫索詩

新秋避暑豁然堂

過陳守經留飯海棠樹下賦得夜雨剪春

韭迎春值雪

宮人入道

贈秦仲虛

宿長春祠夜半朱君扣榻呼起視月山缺

處露錢塘僅一勺而夜氣滂之

恭謁孝陵正韻

答贈盛君時飲朝天宮道院

中秋雨集金氏園亭次陳思立

送嘯上人之五臺并引

十六日霽與張長治伯仲集城隅次長治

集李侯宅得鍾字

韻邦憲死

燕子樓

贈遼東李長君都司

送余興國

許口北遣以綾帛綿三物題曰袍具作詩

駕幸月壇羣望西街

謝之小集滴水厓朝陽觀

九月十六日遊南內值大風雨歸而雪滿

徐州

西岫矣

駕歸自閱羣望于衢恭賦

送新昌潘公

張雲南遺馬金囊

將別復偕遊碧雲流觴枯柳之下

壽吳宣府

送朱使君太僕

美人紅甲

李子遂死予設位哭之遂擊木而歌此

禹陵

讀問棘堂集擬寄湯君

曹娥祠

金剛子珠串

露筋祠

聞都督再遷山西武寧

馮刑部索書冊

自盆道走居庸雪連峯百仞橫障百折銀

色晃晃故來撲人中一道亦銀鋪也坐

小兜冒以紅氈疲羸數頭匣劍笈書相

後先冰氣栗冽肌粟蟲蟲如南夏瘧瘥

苦吟凍肩倍聳憊甚矣却羸得在荆關

圖畫中浮生半日

送丁叔子北上慰乃兄

代壽黔公三首

亞夫墓

白牝蛟井引二首

讀文信公仙巖祠集焚帛二首

夜坐有感轉憶往事

香煙七首

春興八首

送季子微赴李寧武總兵之約

南鎮之南原桃樹數百花時余數遊賞當

武陵也道士苦打攬盡伐之憶以詩

二月望後連日夜風甚不減前年而是日

二兒書至

唐伯虎畫崔氏且題次其韻

吳宣府新膺總督

子肅再赴戚總戎所未至死於都下

紅葉

蘭亭次韻

送長洲居山人士貞

重修乾清宮成迎慈聖再御

五色鸚鵡黃鸚鵡竝是聖母所馴各賦四首

賞成氏牡丹和韻

王翁八十令書貞松白石畫中

姚崇明晚暎堂

清涼寺云是梁武臺城

壽馬先生七十

戲擬不住

元夕寄金武康

讀某愍婦弔集

寄上海諸友人

擬弔蘇小墓

戊辰廿有四日尙賓時中宿於園夜大風

聞里中有買得扶桑花者四首

雨冰厚尺詰朝得子甘北報走筆遍諸

今來自嶺海者云扶桑花也予昔所見殊

友

不類是殆大蘇所詠涓涓泣露紫含笑

玉師挽章

焰焰燒空紅拂桑耳花家剪雙頭見寄

養生書成紀事與夢

始覺首四作之誤乘酒漫成六首以贖

某氏新園

差錯插硯水瓶媯然有笑語意豈亦憐

送趙大理

老人之衰旡耶復取餘瀝澆之當纏頭

綠牡丹

耳滇蜀村歌云披簑衣打杖頭鼓風流

次蘇長公雪詩四首

在何處予擬答鄉諺云雪落長江裏依

青州贈鼂磯研副以詩奉答

舊化作水何不落則雨却要是個底不

莫老至龔矣

知花神有知作何平章夜見夢云叟所

八月十八日阿枳三江觀潮夜歸示三首

謂黃連樹下彈琴也六首

寄吳通府以墨見寄

魏文靖公卮貯以梓匣輒賦

某君見遺石磬

賣貂

賣磬

賣畫

賣書

長至次朝

岳公祠

某君生朝抹牡丹爲壽

十月廿二日園西櫻桃數花便有蝶至二首

訪李岫巖山人於靈隱寺

九月朔與諸友醉某子長安邸舍得花字

某伯子惠虎丘茗謝之

桐鄉馮母

畫魚旣作古詩矣久之復得七律

擬送巡演者二首

過伯升宅玩骨董而菖蒲尤盛魚有紅色

有藍色有玉有錦俱三尾如鼎又有水

品四尾者

雪中移居二首

送婁某丞丹陽

錢王孫餉鱧不減陳君肥傑酒而剝之特

旨

答嘉則

詣五洩驢上口占寄賂懷遠

九流

雞聲

蛙聲

聞有賦壤翅鶴者予嘗傷事廢餐羸眩致

跌右臂骨脫突肩曰昨冬涉夏復病脚

賦得清秋落葉

軟必杖而後行茲也感仙癩之易賊羨

清風嶺

令威而不皆橫楊哀吟輒得二首

焦山

建陽李君寄馴鵬俄瘞野狸信至燕哀以

林先生遷教瀟水

三曲

讀易園詩應一仕人之索

賦得萬綠枝頭紅一點

馬策之奉母住鳳凰山下之水樓

王鄉人尋二十年之父櫬歸自衛輝合其

狐裘

母壙

歲暮夜雪拓二王詩人蠶果小飲

賦得漁人網集澄潭下

卷之八

十七夕

五言排律

賦得賈客船隨返照來

宣府槐龍篇有序

書劉子梅譜有序二首

水仙

送某之大倉

萬歷二年翰林院中白燕雙乳輔臣以獻

將收羊庚戌元旦筮之得明夷之上六

進兩宮並賞殊瑞聞而賦之

元夕休寧道中遙憶鄉里

送史叔考讀書兵坑

觀浴象

和葛景文

抱琴美人圖

先除夕二日雪甚如嬰兒拳

畫坐草栗鼠

電

芭蕉花

子侯芳園王瓜駢秀傳聞遠邇快觀咏歌

附驥非才續貂聊漫

宴游西郊詩并序

張氏子黃鸚鵡

後聞鸚鵡眼系直度兩眸人可洞視

題宋刻絲蓼花立鳥圖

丁卯六月十六日五鼓夢一憲公更訊予

獄予頗懇乞且歷數古人事憲公乃取

片紙手畫一白犬從雪中獵作題且曰

汝賦得十韻卽止予賦得十二句而憲

公逡巡起予亦覺半忘矣今續成之

卷之九

七言排律

上督府公生日詩并序

奉侍少保公宴集龍游之翠光巖

數年來南雪甚於北癸未復爾人戲謂南

北之氣互相換似賈人帶之往來理或

然歟邊塞不易雨而今每潦十九韻

次夕降搏雪徑滿鵝鴨卵余睡而復起燒

竹照之八十韻

連雪後迎春憶舊十二韻

卷之十

五言絕句

題畫墨竹杏花 四首

扇中雙蝶

蜂

白牡丹桃花

翦春羅垂絲海棠

石榴荷花

兩蝗蟲

又蘿蔔

回回馬

毛魚作隊游菱塘

畫

詠畫

春

夏

秋

冬

江船一老看鴈羣初起

似赤壁遊

石榴

竹染綠色

對岸觀崖大瀑

獨釣寒江

閱書者倚老樹

雪景

魚蟹

杏燕子

寫竹答許口北年禮

寫蘭與仙華子

尖頭麻墊

蒲桃

張氏別業

樂志堂

流霞閣

竹塢

青蓮島

小若耶

芙蓉徑

浣花橋

水墨軒

桃葉渡二首

六言絕句

村家飲

漁家圖

列子御風圖

卷之十一

七言絕句

贈呂山人

龔山凱歌五首

嘉靖辛丑之夏婦翁潘公卽陽江官舍將

令予合婚其鄉劉寺丞公代爲之媒先

以三絕見遺後六年而細子棄帷又三

年聞劉公亦謝世癸丑冬徒書室檢舊

札見之不勝悽惋因賦五首

內子亡十年其家以甥在稍還母所服潞

州紅衫頸汗尙泚余爲泣數行下時夜

天大雨雪

將入閩方許二君餞別分韻

凱歌贈參將戚公二首

望夫石

宴遊爛柯山三首

入武夷尋一線天道中述事二首

雪中訪嘉則於寶奎寺之樓店

七里灘二首

武林館中與徐仁卿同宿因贈二首

趙君將買妾戲寄之

禪房夜話和韻書付玉公

折桃花

徐濟之攜新婦侍親揚州

送丁子範

夏相國白鷗園二首

竹枝詞二首

閩門送別

予自浙抵新安登齊雲遠浙道中旅館頗

多奇景而不成一字至衢自嘲一絕

寄徐石亭

乙丑春正月廿有四日與某等攜觴俎探

禹穴就十峯山人馬丈飲於小園林卉

雲繁索得海棠秧二本穿籬過別畦又

掘竹母數根而去時薄霧滃生山翠欲

滴衆客怖雨輒爾拂衣

送陸子之閩

留別倪子

天目山三首

南海曲

嘉則擬紅衫四貌

春郊走馬

東山擁伎

秋江把釣

高樓對雪

燕京歌七首

燕京五月歌四首

自馬水還道中竹枝詞

乘霧自福田遍歷善應翠微洪光大悲諸

招提翠有石洞西夏僧兀坐其中自言

至此可六萬里齋罷擬游西湖輒止

上谷歌七首

宣府教場歌

早渡銀洞嶺

胡市

邊詞十六首

長干行四首

鍾子投我篆章答此

擬往中止

菊

曹秀才

默泉篇

漫曲

古意

王元章墓

寄沈子

贈孫山人

山陽歌醉中贈魯君

挽陳君之配蔣

芙蓉死

麟井引 八首

漁鼓詞四首

送林某二首

設代林某答胡通政

雲州舍身臺

慕蘭篇

竹枝詞二首

盤古社樹

托王老買瓦窰頭銀魚

買得一貓雛純黑而雄戲詠

五洩二首

五洩霧

七十二峯歸來書寺壁

自燕京至馬水竹枝詞

寫扇與毬兒

嘉則衷緋而西二首

過陳氏園看杜鵑花花高可十五尺餘郡

中無其比也

鏡湖竹枝詞二首

上谷邊詞四首

黃楊山二首

秋熱更酷戲作扶桑女郎葵扇詩

無題

卷之十二

七言題畫絕句

畫兩僮枕帶而睡疑是寒拾應人索詠

畫高嶺莫行僧衆

應別索又一幅

白雲深山掘芝者

女仙彈琴

賦得奕仙

題王質爛柯圖

劉阮憶天台圖二首

月宮仙子圖

賀知章乞鑑湖一曲圖

盛懋秋江畫董堯年索題

李子送小景

漁畫二首

爲杭人題畫二首

端陽題慕蘭雪畫

唐伯虎古松水壁閣中人待客過畫

題折花美人圖

抱琵琶偶貯蕉陰美人

王元章倒枝梅畫

畫梅時正雪下

題畫梅二首

雲門寺題畫梅

竹十首

寫竹與某

都門五月寫竹送某君之官新昌

勾勒竹

畫筍遺許口北

畫竹與吳鎮二首

倒竹

畫竹

舊作竹與某復要予再作答此

寫倒竹答某餉

竹石

寫竹擬送友人之官長沙

初春未雷而筍有穿籬者醉中狂掃大幅

寫竹壽郁穎上

畫筍竹賀許口北得子

菊竹

水仙雜竹

荷七首

畫荷花送陳都揮往招寶

畫荷壽某君

雪粉團

翎菊

畫石榴

畫菊二首

榴

牡丹

玉簪花

雪牡丹二首

芭蕉

人有以舊抹牡丹索題者

沈君索題所畫卉賀人新婚

遮葉牡丹

黃薔薇

梨花五首

木筆花

題畫梨花折枝

茉莉花

水仙五首

畫海棠

雪水仙

畫玫瑰花

水仙蘭

青門山人畫滇茶花

葡萄四首

蘭

王生索寫葡萄

松竹梅

杏花

大醉作勾竹兩牡丹次日始得題

作荷蘆於是日亦次朝題

芭蕉墨牡丹

芭蕉玉簪

芭蕉雞冠

梅桂諼草

枯木石竹

題畫四首

獨喜萱花到白頭圖

題花圖

書花冊送王生

詠書降龍

躍鯉送人三首

魚蝦螺螿

題畫螿

松根醉眠道士一幅二首

青藤書屋文集 目錄

雜品

柳渚雙魚

蘆汀鳴鴈圖

鳴鳥圖

畫布圖

書畫兔中有一白雛

郭恕先爲富人子作風鳶圖償平生酒肉
之餉富人子以其謾已謝絕之意其圖
必立遭毀裂爲蝴蝶化去久矣予慕而
擬作之噫童子知羨烏獲之鼎不知其
不可扛也雖然來丹計粒而食乃其報
黑卵必請宵練快自握亦取其意之所
趨而已矣每一圖必隨景悲歌一首竝
張打油叫街語也亦取其意而已矣二
十五首

朱太僕扇面花鳥

代初進白鹿賜寶鈔綵段謝表

卷之十三

代江北事平賜金幣謝表

詞

代再進白鹿表

寶珠齋飯罷筋響椀寂爲作一偈時宿東

代被論乞免得溫旨謝表

天目如夢令

卷之十五

閨人織趾菩薩蠻

疏

書唐伯虎所畫美人眼兒媚

爲請復新建伯封爵疏

竹爐湯沸火初紅

卷之十六

蔣三松風雨歸漁圖已上鸚鵡天

啓

美人解鵲踏花翻

代奉景王啓

畫中側面琵琶美人鳳凰臺上憶吹簫

代謝閣下啓

卷之十四

代賀嚴公生日啓

表

又啓嚴公

代胡總督謝新命督撫表

賀兵侍江公擢戶書啓

代初進白牡鹿表

代元旦賀禮部某公啓

謝督府胡公啓

啓諸南明侍郎二首

答某餽魚

代賀張相公啓

代請胡總督啓

謝某

答某

上新樂王啓

卷之十七

書

與吳宣府

與季子微

答唐府公

奉徐公

答張翰撰

答許北口

答王口北

與馬策之

與柳生

與道堅

答李參戎

與梅君三首

答龍溪師書

答兄子官人二首

與兩畫史

與許口北

與來大同

與季友

奉答少保公書

奉師季先生書三首

擬上府書

擬上督府書

奉督學宗師薛公

論元門書二首

奉答馮宗師書

答人問參同

卷之十八

論

論中一

論中二

論中三

論中四

論中五

論中六

論中七

會稽縣志諸論

地理總論

沿革論

分野論

形勝論

山川論

風俗論

物產論

治書總論

設官論

作邑論

戶書總論

徭賦論

戶口論

水利論

災異論

禮書總論

官師論

選舉論

祠祀論

古蹟論

卷之十九

策

問韓信破趙用背水陣其言曰置之死地

而後生置之亡地而後存又曰信非得

素拊循士大夫驅士人而戰故其勢必

當置之死地使人人自爲戰予之生地

則走何前日石墩之戰兵以臨水而大

敗近日柯亭之戰兵登岸卽舍舟以堅

其死又敗將以爲不置之死地耶則旣

置之死地矣將以爲信之兵練習嚴法

而今日之兵不練習嚴法耶則信又謂

驅市人而使之矣用法同而勝敗異其

故何也

代雲南策問五首

卷之二十

序

胡公文集序

葉子肅詩序

送李子遂序

四書繪序

詩說序

送通府王公序二首

送推府王公序

贈李都使序

陶宅戰歸序

贈婦翁潘公序

沈氏號篇序

覽越篇序

曲序

王山人贈言

贈禮師序

北臺疏草序

肖甫詩序

雲南武錄序

元抄類摘序二首

贈李宣鎮序

抄代集小序

周愍婦集序

抄小集自序

海上生華氏序

刻沛言序

著郭子序

陸氏譜序

贈張君序

李伯子畫冊序

代邊帥壽張相公母夫人序

贈吳宣府序

送沈君叔成序

註參同契序

八駿圖序

贈嚴宗源序

贈梁尙書公序

逃禪集序

贈李長公序

白氏譜序

亦陶集序

壽史母序

張母八十序

贈沈母序

卷之二十一

跋

新建公少年書董子命題其後

書石梁鴈宕圖後

書梅花道人墨竹譜

書畫後

書茆氏石刻

送畫於寺書其左

書蘇長公維摩贊墨蹟

書米南宮墨蹟

書子昂所寫道德經

書夏珪山水卷

書李北海帖

書陳山人九臯氏三卉後

書八淵明卷後

書沈徽君周畫

書謝叟時臣淵明卷爲葛公旦

書朱太僕十七帖

又跋於後

跋書卷尾二首

大蘇所書金剛經石刻

讀餘生子傳

書馬君所藏王新建公墨蹟

書吳子所藏畫

書季子微所藏摹本蘭亭

書紅眼公傳

東方朔竊桃圖贊

書新建公二序手稿

純陽子圖贊并序

跋司馬公草書

梓潼像贊二首

趙文敏墨蹟洛神賦

三教圖贊

書草元堂稿後

四老圖贊

卷之二十二

四仙圖贊四首

贊

高皇帝像贊

觀音大士贊

一品三公圖贊

白描觀音大士贊

鳴教出所藏郭畫一叟持元物類石方長

題大士圖

數寸開口語又所攜竹筐中植一小旛

提魚觀音圖贊

置道旁一叟聽其語執冊肘若却避然

折蘆達磨贊

令贊之

伏虎畫贊

自書小像贊二首

書瀘水羅漢畫贊

商大公子像贊

蓮葉大士贊

余東白贊

宗任像贊三首

婁叟像贊

吳君像贊

郁君小像贊

書馬策之像贊

范子小像贊

王子小像贊

傅子像贊

柳生小像贊

許伯熙像贊

草誦并序

題鳩

卷之二十三

銘

歙石硯銘并序

歙石硯銘二首

端石硯銘二首

端石螭硯銘

無眼端石銘

馬策之端硯銘二首

鼉碁硯銘二首

鼎硯銘

破膽磬銘并序

刺匣銘

篆櫃銘

竹祕閣銘一首

書櫃銘二首

卷之二十四

記

蜀漢關侯祠記

坐臥房記

酬字堂記

西施山書舍記

卷之二十五

函三館記

碑

游五泄記

會稽吳侯生祠碑

閘記

徐相公碑

西溪湖記

李先生祠堂碑

義塚記

知清豐沈公祠碑

石頂浮圖記

龐公碑文

修郡衢記

劉公去思碑

長春祠記

卷之二十六

半禪庵記

傳

呂氏始祖祠記

贈光祿少卿沈公傳

石刻孔子像記

白母傳

烈婦姚氏記

王君傳

鎮海樓記

彭應時小傳

卷之二十七

墓誌銘

高君墓誌銘

蕭女臣墓誌銘

吳孝子墓誌銘

嫡母苗宜人墓誌銘

伯兄墓誌銘

仲兄墓誌銘

亡妻潘墓誌銘

自爲墓誌銘

墓表

陳山人墓表

卷之二十八

行狀

呂尙書行狀

卷之二十九

祭文

祭北斗文

代祭東嶽神文

代督府祭趙尙書文

代祭陣亡吏士文

感夢祭嫡母文

春祭先墓文

祭少保公文

代上饋文

告丁母

告先主

哀諸尙書辭

祭張太僕文

會祭高君文

祭羅母文

景賢祠上梁文

祭少顛文

鮑府君醮科

季先生入祠祭文

請稱法位

時祭文

散花初獻

縣祭文

亞獻

入鄉賢祠府縣祭文

步虛宣疏

卷之三十

雜著

友琴生說

隍災對

一吾說

附記質隍災而予否之之語

讀龍惕書

府隍神有二辨

書古本參同誤識

祝僉事爲神於南昌

井田解

壽中軍某侯帳詩

補遺

義塚募文

寄登州蔡守備都使

讀絳州園池記戲爲判

過許君草堂

詠觀音蓮

詠落葉

宿秦仲虛初陽臺上

青藤書屋文集卷一

明 山陰徐 渭文長著

公安袁宏道中郎編

賦

涉江賦

晉潘岳作秋興賦。序稱三十有二歲始見二毛。時岳爲賈充掾。寓直散騎之省。見省中多富貴人。乃起歸來之想。及作閒居賦。自述多落而少遷。以見拙宦。雖卒歸退休。然合前賦而觀之。誠見其嗜醇醲而姑言寂寞也。嘉靖壬子秋。余年亦三十有二。旣落名鄉試。涉江東歸。友人顧予鬢曰。子髮白矣。余誠懼理道無聞而毛髮就衰。至於進退之間。實所不論。雖才不逮潘岳。而志或異焉。乃作涉江賦以自見。

壬子季秋。予旣被棄。涉江東歸。水深則厲。僕痛主困。旅多太息。夕發西陵。日高造闕。渭旣登一枝之堂。俯而拜母。母曰。兒復如是歸乎。兒則困窮。兒好顏色。兒腹應饑。爲兒作食。旣乃渭復往舊託之禪室。掩關戶於暑刻。嗒然其坐忘焉。乃有二三伯仲。來相問視。顧盼之間。指予鬢而謂曰。子髮白矣。年其幾何。吾則宜然。如子則那。予聞斯言。不能無逆。傾冠側首。伯爲予擢。擢不應手。體短善脫。不脫而獲。如萋甫活。伯仲謂予。豈以憂故。進退有時。失得有數。予告伯仲。予豈不知。細故芥蒂。何足以疑。人生之處世。每大已而細。

蟻視聲利之所在兮。水趨壑而赴之。量大塊之無垠兮。曠蕩蕩其焉期。計四海之在天地兮。似壘空之在大澤。中國之在海內兮。太倉之取一稊。物以萬數而人處其一。則又似乎毫末之在於馬厓。彼營營之微聲。沾沾之細利。又何殊於曳蟲股。嘍蠅脾。入孔穴。實糧齋。第因小而形大。曾一蟻之何加。再語伯仲。更聽予陳。無形爲虛。至微爲塵。塵有隣。虛虛相隣。天地視人。如人視蟻。蟻視微塵。如蟻與人。塵與鄰虛。亦人蟻形。小以及小。互爲等倫。則所稱蟻。又爲甚大。大小如斯。胡有定界。物體紛立。伯仲無恠。目觀空華。起滅天外。爰有一物。無罣無礙。在小匪細。在大匪泥。來不知始。往不知馳。得之者成。失之者敗。得亦無攜。失亦不脫。在方寸間。周天地所。勿謂覺靈。是爲真我。覺有變遷。其體安處。體無不含。覺亦從出。覺固不離。覺亦不卽。立萬物基。收古今域。失亦易失。得亦易得。控則馬止。縱則馬逸。控縱二義。助忘之對。外寇易防。竊發莫支。外寇形呈。竊發暗來。積土漸高。爲九仞臺。九仞一虧。終爲阜邱。予斯之憂。他奚怡懷。伯恠子髮。良亦有說。男子六八。陽氣衰竭。膚面焦枯。鬢髮頰白。斯人稟常。萬古一轍。稟完後老。缺者早泄。曷知小子。不稟其缺。年三十二。形則六八。又予視髮。元稠白希。遠窺不得。逼視始知。不審其變。在何歲時。豈以茲秋。謂予憂爲。

牡丹賦

同學先輩滕子仲敬。嘗植牡丹於庭之隄。春陽旣麗。花亦嬌鮮。過客賞者。不知其幾。數日搖落。客始罷止。滕子心疑。而過問。渭曰。吾聞牡丹。花稱富貴。今吾植之於庭。毋乃紛華盛麗之是悅乎。數日而繁。一朝而

落。儵兮游觀。勿兮離索。毋乃避其涼而趨其熱乎。是以古之達人。修士。佩蘭采菊。茹芝挈芳。始既無有乎。穠豔。終亦不見其寒涼。恬淡容與。與天久長。不若茲種之溷吾黨也。吾子以爲何如。涓應之曰。若吾子所云。將盡遺萬物之濃。而取其淡樸乎。將人亦倚物之濃淡。以爲清濁乎。且富貴非濁。貧賤非清。客者皆塵。主則爲精。主常矚然而不緇。客亦胡傷乎。隨寓而隨更。如吾子懟富貴之花。以爲溷己。世亦寧有以客之寓而遂壞其主人者乎。縱觀者之倏忽爾。於花乎何讐。諒盛衰之在天。人因之以去留。彼一貴一賤。而交情乃見。苟門客之聚散。於翟公其奚尤。子亦稱夫芝蘭松菊者之爲清矣。特其脩短或殊。榮悴則一。子又安知夫餐佩采挈者之終其身而守其朽質也。則其於倏忽游觀者。又何異焉。滕子顧予曰。有是哉。子盍爲我賦之。涓曰。唯唯。何名花之盛美。稱洛陽爲無雙。東青州而南越。曾不足以頡頏。稟陰陽之中氣兮。雖未必其記載之盡信。視衆卉以獨妍兮。眞若悉有萃乎水土之精光。始山間之幽寂。處天后之帝鄉。后始命移以入內兮。備宮樹之列行。亦何心於貴賤。視用舍而行藏。茲上代之無聞。始絕盛乎皇唐。爾其月隄隄上。長壽街東。張家園林。汾陽宅中。當春光之旣和。正亭榭之載營。天宇曠霽兮。絲游景物招人而事起。彼貴子兮。王孫。蹙游龍於流水。遶茲葩而密坐。藉芳草而苧苧。感盛年之若斯。傷代謝之能幾。爾則粉承日華。朱含霧雨。羣蒂如翔。交柯如拒。凌晨併粧。對客不語。衛尉出婢子於羅幃。鄂君擁翠被於江洛。當其百藥千芽。照耀朱霞。綠葉紛紜。望之轉眩。若儒生之授學。列女樂於絳紗。迨夫背戶迎窻。上下葳榜。二三作隊。矯矯愈鮮。飛燕進女弟於遠條。夫人挾三國而朝天。錦瓣重捲。檀心飛屑。柔須夜殷。怒苞曉決。宛婦

姑之反脣似相稽而無說。則有若盛時合沓。諸娣從韓。姑以同歸。颯焉凋衰。漢主放宮人而憎別。風薦小爽。雨委微溫。楚姝舞歇於章臺。陳后泣罷於長門。亦有細加巨上。慎妃橫逼座之勢。紫侍黃側。班姬抗同。輦之尊。或勁而叩。婕妤當逸。熊於上殿。或翹而望。處子窺宋玉於東垣。既離以披。亦競而駢。近不極態。遠不盡妍。大彷彿乎佳麗。意所想而隨存。奚援引之數姝。可譬比而殫論。然渭嘗聞如來演法。在彼鹿園。菩薩莊嚴。衆二十五。寶髻鬢鬢。珠璣瓔組。佛之勝相。紫金光聚。大衆威儀。具八萬數。又聞崑崙閻風。玉城瑤宮。神人飛行。綽約玲瓏。雲態雪光。不可殫窮。夫人之心。想由習生。景與想成。一牡丹耳。世人多謂花如美婦。則前所援引諸姬羣小之所象是也。使元釋之子觀之。遠嫌避讖。則後所援引大衆羣仙之所象是也。今此花長於學士之庭。在仲敬之宅。仲敬將謂此花申申天天。行行閨閣。佩玉瓊琚。鼓瑟鳴琴。其仲尼與七十子諸人乎。縱謂其婦人也。稱煩則太媿。始至宮人欣欣。琴瑟鐘鼓。樂而不淫乎。稱簡則二女湘君。尋帝舜於蒼梧之野。宓妃盤桓。解佩環於洛水之濱乎。此皆不以物而以己。吐其醜而茹其美。畔援歆羨。與世人之想成者等耳。若渭則想亦不加賞。亦不鄙。我之視花。如花視我。知曰牡丹而已。忽移矚於他園。都不記其婀娜。藉紛紛以紆紆。其何施而不可。

鞠賦

渭既賦牡丹。滕子復申辭曰。曩吾之庭。牡丹春華。菊英秋發。吾子抽精於彼。而抱譽於此。毋亦如吾所謂。避其涼而趨其熱者乎。渭曰。有是哉。子之善戲而挾也。乃筆不停綴。詞不及展。遂賦曰。誰乎誰乎。芒芴曷

常春至麗日。秋臨抗霜。彼亦何熱。此亦何涼。惟付與之是聽。非知計之可詳。履子廣庭。覩茲烈芳。繫名相之別數。亦萎莖之異萌。染不出於五色。維其變之莫量。歷九秋而自如。周數望而靡謝。從顏色之中乾。永附蒂而不舍。於時白帝司辰。列列辛辛。木葉下而草萎。霜露降而鴈征。乃自圃畦。遷爾廣楹。一則不足。百尚有贏。羣而不黨。矜而不爭。槩望若結伴。而違俗。單玩則各立。而獨行。乘金令而始坼。秉土氣之正精。雖雜采之並敷。惟彼黃之盛榮。諒盈庭而冒錦。亦剖符而塗金。耀愈澤而不妖。烈無吹而自馨。方辭謝乎徑塗。處規墮而託身。非瓦礫以爲嘉。存大朴之希聲。彼主人兮誰子。懷高廓兮心貞。秉圭璋之潔白。樹文學之干旌。則有幽人處士。墨卿逸史。候節序之高朗。知寒燠之迅駛。弭蓋於門。肅隊而至。或移觴而就筵。賦篇章而未已。爾則不以物驚。不以物喜。挺危朵而愈勁。舒正色而不媚。匪鉛華以事人。多君子之枉尺。豈無人而不芳。亦胡庸以采佩。當夫青陽發生。桃李盛花。名園如霰。上國如霞。嚶好鳥其載鳴。將何物之不化。胡爾類之自矜。乃偃伏其萌芽。迨寒氣之始肅。日馳驚乎南陸。雲慘淡而無光。野何萌而不縮。爾乃自耀其孤標。眇賤同而貴獨。謂所性之若斯兮。或未必其盡然。夜不可以爲夙兮。晨不可以爲昏。苟榮悴之有時。奚爾類之能專。將推之而不後。抑挽之而不前。彼蒼厚爾以遲莫。又何辭於末年。紛後先亦何心兮。避桃李之盛時。抗素秋而挺茂兮。終焉保其不衰。至乃微霜襲宇。驚飈振帷。萼紺紫而不起。葉比次而下垂。閭閻宇兮無人。悅星月之懸輝。則有似乎貞女。永絕乎夫君。放臣懷國而酸悲。尹子履霜於中野。蘇武啣雪於沙陲。在顛沛而愈厲。至九死其靡違。外容色之凋傷。實中心之永矢。嗟主人之懷抱。美材質之修

媿逾盛年而云邁。稍凌夷乎末路。苟蒼蒼之爾私兮。又何病於遲莫。日中昃而彌烈兮。金粹精於融鑄。直守貞而罔渝。於茲英其何負。余假托以抒忱兮。信毋必而毋固。

荷賦

渭既賦牡丹與菊。仲敬復請曰。天有四時。花有四品。夏荷冬梅。子獨無意乎。含毫續藻。俾世稱四賦。此雖小圃之光。而亦吾子之麗也。余不得辭。因復命筆。塊連抱之大甕。立階楹以踟躕。挹三尺之清水。實五石之泥淤。葩燁燁其盈把。芳霏霏以滿除。逼而就之。欲語不語。徐察其意。若有告訴。吾凌波之逸。卿而擁蓋之公路也。遠祖當春秋吳越之世。逢時遭偶。居若耶之溪。歐冶子淬劍之處也。自會稽達剡水。溪長岸闊。淡蕩百里。沙白泥肥。雜蘆與葦。種類繁生。多不可紀。則有乍決半舒。小朵大蕤。短佇長竦。低垂迅起。柔標勁節。疎陳密倚。或向日而併嬌。或從風而自靡。其乍決也。儼華燈之笑焰。其半舒也。宛新月之過朏。其小朵之開。羣仙合掌。而數甲斯尖。其大蕤之盤。古佛現身。而千目其背。短跂則蠻奴踞。以貢珍。長竦則山峰轟而攢翠。低垂挂馬肝而始列。迅起樹羽蓋而仰綴。標有柔而將隨。節有勁而示刺。疎陳或約隊而未過。密倚疑附耳而不置。向日併嬌。未足稱妍。從風而靡。曷以揚麗。香不烈而愈恬。色彌天而不媚。其房之俯仰也。則有似乎客主之既闌。更舉爵而飛杯。其葉之掀翻也。又有似於兄弟之寢興。共長枕而大被。是以飲風露而華采。集鳥魚而游戲。五月清涼。三伏不暑。曠漠之區。煙波之宇。根蒂懽娛。枝葉容與。花神每遊息以無窮。生意亦隨之而不去。吾子不聞王之後宮名西施者乎。采掇不盈。觀者如市。羨我顏華。中心如

駭此固千載之所美談。而風人之所載記。豈若茲主人之處我也。陶以爲沼。以灌以壅。覆之并幹。以制以控。苗蘖抽莖。束不得縱。炎暑結棗。鄒與魯閑。豈俊臣之見推。而請君入於是。甕實遭時之不偶。爲觀者所侮弄。是以見先生之來。有不能以言通。而謬以意動者也。余應之曰。何子見之不廣也。吾聞自子之先。以至於子。皆得以君子名者。豈以託居之廣大。而顧盼之光榮乎。直幹不撓。虛中無物。竅多比干之心。清映伯夷之骨。含芳烈其愈溫。處驕炎以不熱。眇可望而莫親。殫易事而難悅。翩翾欲舉。挺生冰雪之姿。瀟灑出塵。不讓神僊之列。是以映清流而莫增其澄。處汚泥而愈見其潔。且吾子既不染於汚泥矣。又何廣狹之差別。縱遭時有偶與不偶。何託身有屑與不屑。花乃垂頭。默然似失。仰而微笑。似有所答。知君子之令名。非外物以丹腫。於時遊魚躍於梗底。翡翠集於房側。微風芬以襲衣。纖月高以映稅。乃命主人酌酒而別。

梅賦

往予薄游海外。聞羅浮之勝。而未得登焉。蓋昔所稱入夢之種。不可得而見之矣。涉冬出大庾。見庾嶺之梅。則多蠹理而絳襦者歟。抵玉山。人言東嶽之奇。往觀焉。則見其孤生瓊古。偃伏迴卷。一花千葉。並蒂數萼。忽上棟而扶疎者歟。至於依山臨澗。覆橋橫野。間松雜竹。屋角墻茨。境非不美也。未聞其走馬而征輿。豈非品質靡異。類別有區。人固玩視其習。而好言其殊。爾其孤稟矜競。妙英雋發。肌理冰凝。幹膚鐵屈。留連野水之煙。淡蕩寒山之月。葢一攢而集霞葩。五出而爭雪。側披斷磧。委朔風其將吹。忽上高空。助凍雲

之欲結。杪數英之半掬。中萬斛之一搏。古幹橫肱。玉龍游而張甲。編條聚腦。白鳳戢以梳翰。瓊玖繽紛。何
番凌波之子。肌膚綽約。無言姑射之仙。趣將幽而見取。豔以冷而爲妍。縕香氣於空表。弄皎色於霄端。瘦
影橫窻。矚然山澤。素魂麗壁。忽爾嬋娟。託使將傳。寄江南之遐信。隨風暗度。報塞北以春天。羌笛一聲。韻
全飄於纖指。素琴三弄。神屢託於冰絃。是以古道清流。墨工圖史。或拗之爲一窩。亦種之於數里。圍棋酌
酒。相與偃臥其中。落日迴風。務印縱橫之所。彼稱旣醉。逼清氣而不勝。我則含毫。占春光於長住。斯亦可
謂一節之高。而末足以盡曠然之意。乃有巖居之徒。溪飲之老。短褐黃冠。龐眉壽考。跨蹇策筇。熱漿烹藻。
望谷口以窮搜。坐石頭而拂掃。亦有游心道德之儒。含思風雅之侶。讀易說詩於其下。咏騷作記當其處。
飛觥爵於彌留。顧徘徊而不去。景得人而益增。人因景而標致。斯風格之雅幽。而韻調之殊異。亦足以快
心暢神。洗囂破滯。又何羨乎羅浮之奇。而東嶽之麗。且余觀夫梅之爲物也。得氣之先。得液之酸。酸者木
之正味。先者序之履端。先則渾淪龐篤。含泰和而獨飽。酸則甘辛鹹苦。受何味而弗便。含之飽者發斯盛。
便以受者和必完。是以先驅百卉。遂占上林之苑。均齊五味。兼濟商鼎之鹽。其始也。點綴文章。洩天地之
春於一夜。其終也。調和頤養。收天地之功於萬全。曾不知其處寂寞而貞厲。守冷素以自恬。悠揚乎松菊
之圃。盤錯乎水石之間。風颺撼之而不動。瘴癘攻之而罔顛。雪霰旣零。條枚益堅。陰幽外剝。陽氣內漸。迨
花實之致用。歷世味之飽諳。何桃李之弱質。敢先後以齊肩。苟天將降。是人以大任。察物理而明其固然。

嗟乎哉。西河殘守。東海孝婦。差之豪釐。千里歧路。寸脰尺支。二木一金。昨日何重。今日何輕。其在今日也。栩栩然莊生之爲蝴蝶。其在昨日也。遽遽然蝴蝶之爲莊生。

後破械賦

爰有一物。制亦自班。鶴喙不啄。琴體乏絃。乃偕二友。木寶金紐。與之爲三。脰及足手。一人邇之。不棺而朽。多其高義。隨我四年。我分殉之。何心棄捐。二三神明。呵護其首。司其去留。爲我撞剖。嗟乎哉。爾完我死。爾破我生。破完倏忽。生死徑庭。可不慎乎。敢告司刑。

畫鶴賦

朱冠縞衣。四池元緣。鐵脰昂尻。金眸夾顛。長喙易渚。圓吭聞天。秉寥廓之高抱。小蒼莽之微鷺。忽一舉而追九萬之翼。亦孤栖而養千歲之元。爾其焦山瘞銘。桂陽避彈。道林縱歸。揚州負纜。乘軒衛國。徒傳甲者之言。聞唳華亭。誰共吳儂之歎。由此觀之。則形骸易泯。不勝留影之難。楮墨如工。返壽終身之玩。爾其砥筆和鉛。徵精召巧。或磅礴而解衣。亦凝澄而命草。想仙羽而彷彿於青田。揮束穎而希冀其元妙。則有翩然以臨。劃焉凝佇。矯矯波間。亭亭松際。黃樓酒價。全憑橘藩而高。赤壁夢回。徒憶車輪之翅。乃若素壁財粉。朱門始光。徐展玉輪。高懸玳梁。數丈輕綃。方挂瀑。一雙語燕。忽驚行。灑孤雪。兮稽穗。頂殷荔而氏昂。方拂瀾而振翔。亦將嘯而引吭。贖以爲真。儼致花之粉蝶。久而始覺。誤集障之蒼蠅。然則物固往往有神於繪而便於玩者矣。又何必網兩翼於蒼蒼。

緹芝賦

鑿探珠之巖樹。迨臨鏡之波館。地並秀以雙美。氣偕和而競煖。爰有物以名芝。忽卷然而從窾。如苗玉而束瑤。既扞輪而揭繖。下縞練以揚中。上緹繡而表袒。皚薄雪之將霏。載彤雲而未斷。巨者二咫。映彼湖荷。小者徑尺。燦竹妍柯。河邊織錦。掇支機而罷杼。漢宮剪綵。停寶鉸以羞羅。使君溫恭。崇抑斥揚。歛襟下問。爲災爲祥。既登覽乎隅椒。復臨泛乎汪洋。恐盛德之點璧。惟偃步以循墻。爾其芝固無言。默呈以露。吐瑞藹之氤氳。儼郁霏之煙霧。芳噴噴爲襲衣。裊亭亭而幕素。遠數尺之元壤。瑟週離而奄布。示彼絕奇。逸於往睹。非家積之餘慶。符天心而曷故。於是使君讓之不可推之不去。把酒號曰。子爲我賦。卽斯語而宮商。謝不敏兮恐負。亂曰。使君玉除。盛芝英兮。一貢廷兮。兩侍於楹兮。斯爲之徵兮。使君眇矧。匪蒸成兮。芝草生兮。采以鑑兮。壽百齡兮。斯爲之馮兮。

十白賦有序

予被少保公檄。自獲白鹿而令代表於朝始。其後踵至者凡十品。物聚於好。殆非虛語歟。時予各欲賦以諷公。未能也。公死於華亭氏。予寄居馬家。飲中燭蝕一寸而成十章。諷固無由。且悲之矣。

鹿二隻

爰有二鹿。雪皓霜瑩。後先互呈。以雌以雄。合八蹄而兩角。蹲並壁以交穹。桓桓撫臣。敢告世宗。謝山海之萃食。仰芻豢於上宮。諒遭遇之有時。胡人與物而匪同。

兔

謝彼月輪。來此人間。朗晴珀赤。妙霏雪寒。豈韓盧之可獵。與魄蜃而共跚。曩者食客之謀。匪爲營於三窟。今也走狗之獲。潛垂涕以雙潺。

鵠

即使常羽。亦且知歲。矧伊白鵠。而胡不慧。匪舍驅以效鶉。詎攫雛而學鷲。秋梁作架。宜並色於銀潢。古印幻騰。羞托翼於金墜。

猴瓊赤玉誤
爲白沿耳

人亦有言。王孫可憎。衣以周公。裂冠毀纓。胡是物之善幻。脫蒼鞞以膚瓊。莫四朝三。豈狙公之可罔。旣冠且沐。致韓生之就烹。

鸚鵡昌黎二鳥賦云
白鸚亦與質

鸚鵡來巢。春秋紀之。鵠鵠其翎。曷其有之。我在幕中。實維背之。不貢於廷。拚然起之。

鸚鵡

黃冠白章。其鳴嚶嚶。殊彼凡羽。綠襟朱喙。柰此條籠。將飛復墜。我則禰衡。賦罷隕涕。

龜四

念寶龜之素甲。羌迸迸兮冰雪。載九疇而出洛。帝與茲而偕錫。雖入網於豫。且苦靈骨之就鑽。亦托跡於

莊周恍曳尾而超越。

麋

拾遺有言。微聲及禍。視爾霜質。秉金畏火。踵白鹿而後至。既已非時。向青草而長慮。庶其得所。

鼠

聞爾貪殘。曷能冰潔。乃縞膚而素毛。矯變緇而爲白。獨不聞胡粉之晶晶兮。始黝於鉛黑。

黃頭

時賞羅者頗濫

烏曰黃頭。猛以善鬪。白乘金精。儼爾介冑。虞人網以奏功。如拔猛士於千夫。幕府喜而錫金。似擲抔土於一覆。

青藤書屋文集卷二

樂府

張家槐

張家槐。鵲巢枝。使君纔出戶。闔扉。鞭行人。上及飛。彈鵲母。連鵲卵。鵲母棄雛。走何所。曙衙開。邸報來。使君朝去鵲莫歸。

悲樂歌

吳人鑿越人俎。一臠忤舌死杖下。肉少甘骨爲土。

歌風亭

時漢高將夷彭諸猛。又知猛者守欲背。故曰安得。和葛鄂州作。

醉媪酒臥媪壇。武家墟畔。呼呼豐沛中。羣酒徒。矐季鼻大糟所都。誰喚隆準而公乎。十二年。左纛還。着紅衫。應午炎。七尺所臨。萬馬環。諸王列侯。敢不虔。獵徒酒伴。隘巷看。獨召故老。金爵乾。惜青春。赭朱顏。乃思猛士得將安歸。問野雞。還我韓。

又

鄂州篇。衡縣權。渭也俯拾所殘。悲異代。良楚酸。謂河高。水流拍天。渭兩過之河未然。麻姑量海。海愁淺。三尺鳥爪沒至肝。大家作計。一何長。請看何人偏墮短。

又

英彭不雌。季心所猜。今布越耳。終當爲豨。終當爲豨。不如我先之。舊所得猛士。十當一無遺。十旣一無遺。安得不歌以思。

又

離渡江。八千從。非父老是使。彼安識籍與梁。巴蜀公。縞新城。奉三老。教發帝喪。義兵若河日。以東乃知王者師。上親長禮教。下首功。蜀公親歷效。驗明乃知猛士難。四方守。易戰攻。誰兼不蹄買。蝶驄擊太牢。祀鄴鄉。聽叔孫通。徵魯諸生。驚禮四公。遠來于商。

予嘗夢晝所決不爲事。心惡之後。讀唐書李堅貞傳。稍解焉。

堅貞十七之死。靡他。去聲數夢男子百兩以御。叶貞覺而悲。莫知其謂。華盛來胥。蝶我貌未悴。廢沐垢首。塵膚敗裳。如葉未秋。虐使萎黃。自茲以往。夕寢旦覺。角雀謝穿。筐梅罷標。卷婁雖羶。理不樂蟻。矧已肉矣。曷感而蛾。音宜萬有膠轄。曷可詰呵。皇矣上帝。其將謂何。

六昔

昔朋友。雉與鵠。不得已。今爲梟。昔骨肉。鷺與鴨。不得已。今爲鷓。昔宗親。鵠與鶉。不得已。今爲鷓。昔官府。騶與虞。不得已。今爲虎。昔乳煦。汗血駒。不得已。今於菟。昔黔蒼。萬夫英。今視之。蠅所生。昔

青藤書屋文集卷三

四言古詩

鴈臺詩隨子嘗買鴈放之。因以爲號。又鴈臺在杭江干。

左江右湖。名山有臺。近陽背陰。鴈爲之來。江海之大。增繳丸矢。待鴈不來。涼空覆水。主人有馬。客亦有舟。出自郭門。於焉遨遊。羣焉以栖。人亦鴈爾。莊周爲蝶。孰揆厥理。買鴈放生。入雲出塞。有問爰者。張目不對。

土魯番貢獅

羌飯官驛。斯物不的。官馬當災。騰于馬脊。俛嚙以牙。嗜馬肉炙。四蹄裂馬。如人裂帛。獸威孔武。觀者色沮。媚此羌胡。若媚其母。余呀以咨。羌曰余乳。當其出穴。若嬰離襪。不見牝獅。惟見我哺。斯言不欺。梁鷲養虎。

青藤書屋文集卷四

五言古詩

與林玉兩上人登會稽最高山。山出秦望上。率可五六里。玉公早有來歸之意。因賦以止之。

茲山一何爲。抑首摩青雲。遠去氣色古。混沌儻未分。引盼涉陝洛。毋乃隔夕曛。中有舊社址。尙見數偶羣。短草覆井水。遠松貯氛氳。薄雲在其下。猶幕高頂墳。元釋諒能居。人世未可云。念子覺無上。夙昔斷擅葷。焉能繁不食。焉得不耕耘。況茲值秋陽。寒氣慘不昕。未可來居斯。語子以慇懃。

來晨憇廣孝寺

可憐荒宇在。於焉恣游賞。古砌伏野草。唯餘聖賢像。巨碣指高樹。御墨浮天上。昔人不在斯。悠然引遐想。曙入鳥初散。道寒露猶溼。回眺高山岑。翻然策筇杖。

登秦望山

素情忻晏遊。碩人事永矢。上此萬仞山。復沿北溪水。顧瞻江海流。神去蒼茫裏。後峯千里來。旁嶂兩川起。往昔窻中翠。今茲巔上視。佳哉是觀游。吾鄉亦信美。

沿秦望溪水

流水澄若無。溪魚宛遊空。磊磊聚圓石。澹蕩偏能工。高寫象山曲。伏響迴草中。何朝飲麋鹿。蹄踪去難窮。

秦望山東南下折有峯紫鐵色錯豎似花蕊土人呼雄鵝突余贈名花蕊峯
錯如鐵色紫出土幾千古寒空蕊尙繁秋水蓮難吐刻削差可擬帶插不添嫵宛如齒齟齬張吻訟所苦
千秋獻組繡名號未得主直少讓中岑他山視應父借言花蕊峯來春開何處

海樵山人新構

古莽伏圓址新構敞方榭去家不百步連山凡幾架衡門夾柵欄卑池注微瀉羣峯列窻牖佳木依簷瓦
碑碣墻垣中階級坡陀下曠霽垣以來遠暮蒼然化亭北指夕月高臺嘯清夜嘉賓燕屢入麗人時或迓
臥榻楔巖石旁戶達僧舍主人胡不歸樵海未云罷束樵遡遊風於茲焉息駕

又曲池

濬池疊青山山色落池裏上栽百歲樹下週三折水日夕衆鳥下客至數魚起助筵摘果實開蕪種芋子
上山一以望高城正東迤波漾堂壁瑩野闊登覽美羨子善結架多在聚景址彼亭旣孤絕茲地何曠爾
與楊子完步浣紗溪梁有懷西施之鄉

明月照江水截梁與子步當時如花人曾此照鉛素江流不改易月亦無新故薄雲淡杪林晴沙泛寒露
借言伊人閨應在煙生處

讀莊子

莊周輕死生曠達古無比何爲數論量生死反大事乃知無言者莫得窺其際身沒名不傳此中有高士

海上曲

雪隱城月高。使君梯樓坐。縣綆訊驍士。但自苦城破。問城一何多。數百餘七箇。長矛三十六。盧弓七無箭。腰刃八無餘。徒手相右左。轉戰路千里。百涉一無舸。發卒三千人。將吏密如裹。賊來如無人。猝至使君下。又

暇日棄籌策。卒卒相束手。四疆險何限。但阻孤城守。曠野獨匪民。棄之如棄草。城市有一夫。誰不如木偶。長立睥睨間。盡日不得渡。朝凌雪沒脛。夜臥風吹肘。彼亦何人斯。炙肉方進酒。

日暮進帆富春山

日暮帆重征。江闊眇無度。峯翠逐岸來。樹榦參天去。千里始此行。一日卽羈旅。石瀨駛清磷。雪壑聳殘素。回睇吳山岑。蒼蒼渺煙霧。

發嚴州舍舟登陸。縱步十五里。憩山麓叢榛。遠眺江中。恠石。

乘舟坐無聊。遵途岸轉杳。急流赴海馳。恠石橫江倒。仰睇峯崎側。惟見蒼翠矯。覆莽映赭壁。枝弱不勝鳥。懸崖窄可步。聚纜密如篠。舟子勿前征。前路煙生草。

將至蘭溪夜宿沙浦。

中夜依水澤。羈愁不可控。遠火澹冥壁。月與江波動。寂野聞籟微。單衾覺寒重。託踪蒲稗根。身共鷗鳧夢。早發僊霞嶺。

披衣陟崇岡。日中下未已。雄偉奠兩都。噴薄走千里。百折翠隨人。一望寒生背。高卑互無窮。參差錯難理。蔓草結層冰。喬木秀縣藟。晝餐就村肆。小結依崖址。去壑知幾重。剡竿引澗水。回視高峽巔。鳥飛不得比。自浦城進延平。

溪山孕鐵英。怪石穿水黑。馬齒漱寒流。冶火融初滴。方艇走石罅。白日飛霹靂。操舟信有神。出入坦然適。以知庖丁者。游刃有餘歷。循理稱達人。險難亦何感。

夜宿邱園。喬木蔽天。大者幾十抱。復有修藤數十尋。縣絡溪渚。

老樹拿空雲。長藤網溪翠。碧火冷枯根。前山友精崇。或爲道士服。月明對人語。幸勿相猜嫌。夜來談客旅。

涪澹灘

黑鰲穴地出。噴沫從天下。春雪跌深潭。驚雷迸鐵罅。回思身所經。險恠幾日夜。老石萬片焦。飛湍千里射。藥叉窺綠淵。人命輕一詫。或似鼓太冶。青銅沸將瀉。女媧撒餘礫。頑查攪不化。念彼旣憮然。值茲殊可訝。短槳起沈舟。凸字振深窞。因之誤絲髮。長與世人謝。浪怒一何恐。終古不得罷。有時搏陰飈。寒色慘朱夏。借言呂梁叟。何時咨閒暇。余雖愧達人。笑對成一嚇。國溪舟槩形如凸字。

泛舟九曲

老王亂青冥。皇天夜遺蛻。餘骨散九州。頭顱此焉寄。人視萬劫餘。天意一夕計。遊艇沸滄波。髣髴熱營衛。亭午入數折。冲然元氣閉。縣峯昇羽人。毛竹倚仙姊。辟彼齒牙蠹。生死齟齬內。世人不解奇。但識世間事。

示之帝所遺。惟以溪山眺。

武夷道士示予魏王子騫蛻首見紫氣。

不死者已去。死者留人間。骨骸自何夕。飛置山之顛。取視始伊誰。縣綆月履牽。而不如餘魄。安臥攢青蓮。道士苦斯役。留函閣高椽。過客好奇異。啓閱請自便。茲物真仙靈。磊磊黃琅堅。高頂泥丸宮。紫氣猶一弦。晦明準天時。白黑互糾纏。胡爲黃冠流。示人禍福先。爲予而變易。無乃勞子騫。玉蘊山色輝。斯理良自然。

丙辰八月十七日。與肖甫侍師季長沙公閱龜山戰地。遂登岡背觀潮。

白日午未傾。野火燒青昊。蠅母識殘腥。寒脣聚秋草。海門不可測。練氣白於擣。望之遠若遲。少焉忽如掃。陰風噫大塊。冷艷攔長島。恠沫一何繁。水與水相澡。玩弄狎鬼神。去來準昏曉。何地無恢奇。焉能盡搜討。

十八日再觀潮於黨山

秋水自生幻。海若安措手。驚雷研雪獅。萬首敢先後。山窺本避濡。俄驚足下吼。老壁拍波塵。千仞落衣袖。望窮不見外。激澗明滅久。人天儼未消。劫火燒宇宙。往昔每一凭。恐怖經旬晝。那知迫視恠。其怖應不朽。豈惟我恐怖。天地亦應有。景往目既遷。恐怖亦卻走。

蕭荷花祠俗傳露筋娘
娘者。卽此。

荷花一夕凋。萬里秋無色。獨遺花烈芳。千秋襲陂澤。揚舲遡大湖。風緊日已夕。水鳥習舊栖。戢羽茭菰白。弔古解維舟。去岸不盈尺。秉燭褰繡帷。金翹儼宮額。燭滅颯然中。神爽凜孤魄。念此芒叻微。奚啻雄虺索。

豈無冶容膏。貞肌以爲臙。念茲不能忘。惆悵至明發。

送明教往上海

翫雪東門家。天寒雪正下。繁林積素花。羣山映簷瓦。杯至不得休。語密不可能。鳥集池樹頭。色暝天欲夜。顧予同心人。而有太息者。云我爲道謀。安得與君舍。余爲重解疏。歛襟向前謝。超言雖遣累。離緒難釋罣。駕言春陽初。那得便徂夏。執手歸路中。衝寒爲君話。

寄善畫葛君

展筵不盡規。墨色鮮於洗。細圖萬壑雲。寄我青山裏。感之不能忘。聊寄短篇耳。

人燕

薰生抱利器。鬱鬱走燕趙。賤子亦何能。飄然來遠道。行止本無常。譬彼雲中鳥。朝飲西園池。暮宿北林杪。感事復懷人。生年苦不早。欲弔望諸君。跡陳知者少。垂首默無言。春風秀芳草。

古山篇贈余君

余君本今人。而有懷古思。三年臥白雲。一醉撫流水。握管掃素箋。閉門謝時事。懶與今人交。自號古山子。

贈陳君

珍木無弱羽。廣川饒勁鱗。皇都鬱嵯峨。多士如繁星。陳君在鄉曲。少小馳芳聲。去我三百里。可望不可親。昨予志廣覽。自越之燕京。見君長安道。一問知姓名。卻復訊勳止。握手爲予陳。自受相公知。忽忽復幾春。

一朝去鄉校。今作太學生。言溫動有禮。志壯氣自信。誓顏口若海。豐下而長身。再往論文史。終夕如倒困。藻思蔚以妍。儼與骨相并。王良御八駿。技絕物有神。一日驚千里。安得留其行。念予復南去。攬策臨修程。小見同越鳥。祗入搶榆羣。思君不能置。短篇陳素情。

戒舞智

富非聖所卻。貧乃士之常。華屋非不美。環堵庸何傷。多才戒舞智。善閉靡不彰。舞智向愚者。弄偶於偶場。偶自不知弄。爾弄何所償。舞智向智者。譬以光照光。彼光不受照。爾照何由揚。舞智兩不售。不舞兩不妨。請君聽予言。作善降百祥。

寄彬中

鄴下老韋布。能活刀下人。魯連劇排難。安得專其名。不見申包子。含悽哭秦庭。萬馬度關隴。救郢卻吳軍。側聞同心人。急難等赴焚。秦師不可出。大義凜已明。裁傾本莫致。安命以爲貞。

答和公旦

高垣沼我驅。棘刺長如荻。松柏年十寸。至今長五尺。一朝鎚籠藩。小鷗決蓬翟。忽逢東來鴻。相煦以雙翼。逝焉渺長江。別子當幾日。不能借我飛。一顧一悲嚶。

雪

屋腐隙西椽。密雪夜如織。朝窺牀簾頭。白糝高一尺。側身不敢搖。寒籠戢僵翼。伴侶同苦辛。何從乞漿食。

寄王子心葵

葵花似君心。向日解違陰。葵葉我所愧。有足不能衝。與君夙相知。把葵吳山時。今日相思處。南冠繫楚儂。短劍在匣中。秋水蓮花芒。芒色豈不好。終爲人所防。所貴金玉資。含輝有餘光。諒哉工部君。璠瑜映明堂。薰風動九夏。鳴音來鏘鏘。至寶吐洪亮。不特華澤芳。沈思不能寐。攬衣視河梁。

筠石篇

片石插寒塘。泠泠箭竹黃。誰提數寸管。坐到一秋長。我亦耽清致。傳聞今幾霜。翻飛乏羽翼。那得到君旁。想是莓苔綠。坐令毛髮蒼。疊膝嘉肺中。望斷雪根觴。今我操題處。青棘披孤墻。日影淡無色。十月梅早芳。欲折以寄遠。無此長臂攘。料理竹下人。應少寒枝香。

蔣扶溝公詩 并序

零陵蔣先生者。迅鷗鵬之遐翮。秉龍蛇之屈伸。嘗欲頂摩青天。手弄白日。不着上下。以栖混元。早歲妍精孔孟。含藉六經。故說有談空。不詭正道。昔嘗出宰扶溝。晚節薄遊四方。挂冠拂衣。如瀉在海。雖隨光揚波於上代。魯連高蹈於海濱。禦寇埋名於鄭圃。先生放縱於吾越。可謂閉戶造車。出門合轍者矣。涓伯兄淮。恬澹厭俗。弱齡訪道。垂五十春。元室冥奧。未睹宮墻。遭先生遡舟閩粵。放於山陰。邂逅天緣。值諸行道。顧盼之間。疑謂異人。遂數語浹襟。懸榻彌月。過蒙收畜。列諸僕御之

徒既而先生鴻跡遠曠。再渡錢塘。期許後來。意得執鞭長侍。豈謂造物苛猛。未更寒暄。伯已化爲異物。烏乎陵海尙變。人壽幾何。金丹未成。玉顏曷駐。渭每念此。可爲寒心。先生哲人。胡以導指南向耶。頃者。又將浮湘江。並九疑。直指芝田家門。一入渭於斯際。能不依依。夫兄所師表。弟胡不爾。恐塵凡之姿。仙聖所拒。嗟哉。死者已矣。生人去焉。存亡惕心。永以爲好。異日吸沆瀣之精景。陟壺嶠之福庭。飛九還之丹火。騎八極之游氣。則天凡殊塗。相見無日。緬哀伯氏。重以離衷。因獻五言。伯氏頗好道。終歲事修服。道上逢異人。髭鬚灑林竹。修禮重致問。德音美如玉。扣之轉微茫。焦螟游廣漠。冀得長奉侍。雙飛向王屋。人命安可期。天猶互寒燠。念別正徂暑。墓草已更綠。瀼瀼日中霜。亭亭風際木。逢師苦不早。煉攝總成哭。

柳浪堤楚頌亭二首爲溧陽史氏題

夾岸千章柳。青春翠浪浮。如將曲池水。共作遶堤流。長蛇偃青蔭。水鳥悅芳柔。試於垂縷處。一繫木蘭舟。
又

屈子頌匪今。軾也志空寓。千載伊誰子。后皇錫嘉樹。曾剡刺崇檐。青黃揉廣阡。見離騷永與茲亭留。不遷乃其素。

昨見

昨見食偶者。析偶以爲薪。零星椎股脾。寸尺移尻臀。心胸本無有。斧亦集其垠。辟彼偃師工。立剖瞬者身。

彼僂師者析庸以免其噴。免噴豈得已。爲薪豈無榛。何忘食女德。辛苦二十春。食偶者答言。當其爲偶辰。我卽薪視爾。爾自不我知。我志如此矣。我欲爾也歌。爾卽軒厥舐。我欲爾也舞。爾卽蹈厥趾。我怒爾唇闔。我笑爾唇啓。凡我所控提。爾卽如我自。爾自不覺知。昧我蓄薪志。

偶也

偶也難億詐。爲魚豈無知。假令魚爲偶。亦安避薪爲。此亦豈無謂。聽我歌此詞。當魚在沼時。沼闊不容坻。沼旣不容坻。研復朝洗之。洗多墨豈少。墨積盈沼池。從此再三洗。喁噲恆在茲。唇外無滴瀟。縫唇墨卽入。何況相沫晞。君在大氣中。塞海皆氛霾。君今口與鼻。能免不埃噫。蘇武在虜中。磕頭皆羊羝。死生憑羝輩。起處亦羝隈。豈惟起處隈。嬉寧謝羝嬉。君儕人如此。而況我也魚。我聞君里諺。契我魚也志。非伴情所知。事急隨則隨。

狐粉

狐妖幻黛粉。窈窕美佳人。慕予且宜笑。情好緣相親。物與人異調。孰識僞與真。答子以慙慙。靡曲匪好音。魅也一朝敗。情歇音則存。我欲灰茲音。匪乏煬與薪。譬以寶貽魅。寶旣不我存。何由奪而燼。存此貽魅曲。以不靡魅愆。

補屋

僦居已六年。瓦豁綻椽縫。每當雨雪時。舉族集盆甕。微溜方度楣。驟響忽穿棟。有如淋潦辰。米麥決篩孔。

五月候作梅。一雨接芒種。菌耳花篋衣。爛書揭不動。樵子不上山。薪炭貴如礦。生平好樓居。值此念愈踊。數椽猶儼人。安得峻櫺栢。買瓦費百錢。已覺倒囊籠。命工勿多攤。擘艾聊救痛。

作松棚

種松六萬餘。千五百株活。長養二十年。大者僅如括。西齋落日多。六月苦炎熱。鄰園樹木稀。遮翳不可得。顧言種樹資。求用此時節。命兒召兩傭。伐幹并其鬣。幹以需柱梁。鬣以備周匝。四垂慎勿卑。涼風任超越。時移一丈板。獨踞文竹兀。伸紙二丈餘。舉墨陡一潑。左盤持蟬螿。右盪把饜饕。挂衣梅葉梢。綠陰灑啼髮。理葡萄。

去冬雪作殃。無物不凍死。橘柚斷衢州。松柏亦多瘕。園有月支藤。盤屈四五咫。結實苦不多。一斛有餘委。迨其堪落時。丸丸挂璫水。一日十挈竿。與鳥爭啖舐。將以餽隣翁。竊恐哂微細。欲以付果坊。不足一浪費。幽之瓶盎間。漿潰敗其脆。渴夜艱茶湯。暫可灌消肺。比者理舊須。應手落枯瘁。及至更提攜。僵梗忽斷碎。如人兩手足。而倭其一臂。支幹旣以孤。收穫焉可倍。夏景苦桑榆。聊以障西墜。

刈圃

草蘗始一寸。及壯丈有餘。豈直藪卽帶。兼以館蚊胥。夜熱不可寐。寧止不露居。竊恐值此輩。股髀遭其咀。就中擬厥罪。蚊也尤其渠。其他不出境。惟此遠追趨。穿幃眇執塵。打撲不勝劬。更番以迭進。安得盡屠誅。聚響苦不震。萬噉啾嬰雛。工者攪夢寐。一夕百起呼。蚊蠶固莫道。草實主其逋。呼童問腰鎌。不用安所須。

薤此忽如掃。一翅不得儲。譬彼塞垣莽。往往伏戎胡。打冰燒其荒。窟穴空妖狐。莫謂野人賤。刈圃非雄圖。

鼉磯研

研封石壠侯。喻樂、鑿也。新樂者。青州王也。

向者寶端歛。近復珍鼉磯。在海感蛟蜃。文理多恠奇。白者爲雪浪。星者黃金泥。碎者銀作砂。角者絲纏犀。舉手摸其理。索索銛響飛。分符軍石鄉。庸以慶險巖。曩者辱新樂。遠寄青州來。一夕忽失守。仍召頑滑資。一字十研磨。一行百推移。淹此斫陣馬。羈控不得馳。乃者董文學。匣有方尺儲。舉以爲我贈。與新樂不殊。

問軍中之系於國用

吾宗兩支。其一雖衰。而時一振。尙有召對于朝廷而仕者。最衰者。則我之支也。

吾宗異秦嬴。秉德嗜仁義。縣延值盛明。仕版頗齒齒。先人秉魚須。聯蟬及諸季。列秩下大夫。往往有三四。迨及賢科書。至今時一綴。萬木有榮凋。一體互強脆。屈指四紀來。擘痺劇一臂。耕者嚮其鋤。賈者降爲僧。士者無一人。傭者倚而待。飽者幸免饑。饑者幸未丐。至論允嗣間。十室九蜂蠶。墓寢蒸禰時。顧影兀孤介。甚者乏繼承。餒鬼滿蒿薤。余雖有兩兒。性頗仇簡冊。飲牛未渴辰。按項不能俛。緣茲傷後昆。思欲譜先代。念彼從戎人。蔓遠瓜尙帶。況值用也來。舉扣其大槩。彼衰更倍茲。擲筆爲一慨。

避暑豁然堂大雨

梅候苦歛蒸。幸得五日霽。涼風驅濕烟。奏功未全濟。眷言高山巔。有堂敞西翠。松篁作籟竽。蕭颯爽神智。乃偕二三子。挂絺於其地。買酒穿市中。炮鼈腥道器。止取醉飽爲。安能謹趨避。祖跣擇樹依。叫號枕磚睡。郡邑迫東廡。狂來忘遷逮。冉冉日將傾。理筇方卽邁。雷雨自西來。初尙雜晴蜺。一言未及終。振瓦落簷外。

衝風捎健鶻。寸進得丈退。高景殊卑觀。竄鳥在眉際。本言迓炎苛。翻令咏奇致。百事兼熊魚。往往非着意。
哀駱懷遠公驗詞

懷遠好詩什。近體有佳聲。遲余去五泄。深衣遠相迎。長身而瘦頰。自有山澤清。命酒不停罍。酒罷有餘情。迨予歸來後。往往問癡興。處肩腊松火。柿縷霜秋晴。寄此遠筐篚。兼致倡與賡。何時臥狸首。聞之使心驚。道遠不得往。逋此泉下羹。

野蠶

越桑雖云盛。不及吳中繁。越女賣釵劍。僅可完蠶山。如斯苦拯救。良亦可憫憐。如何野蠶種。孽息多今年。曳絲滿郊郭。食葉留其勛。葉葉如蟲網。枝枝垂釣緝。涎縷無所用。膠衣黏頭巾。過者苦拂拭。桑女交攢翠。提筐往西園。空手歸東隣。卽欲買釵珥。有錢無桑村。嗟彼機上杼。秋來鮮聞聲。匪來猶可說。國輸良有程。衣食無二理。蠹衣與食均。嘗聞捕蝗法。及此同瘞焚。

范母詩

卽燦母

乘節三十年。萬有二千夕。一夕改霜心。曉鏡換粧額。范母二十二。篇居在羅幕。五十七乃亡。天長日幾落。獨持一寸冰。萬古膠夜席。當夏不得融。何況秋霜白。

白鵬

錢子易書。故曰王孫。蓋鏐之後也。

野性悅鳥魚。客寓尙籠致。正如好竹人。借居亦栽蒔。鵬鳥自南來。買入西河里。王孫好法書。籠以易吾字。

墨絲繡雪衣。綠鬪作襠帔。有時嚙喉中。嚙若嫺雲際。日夕湖水波。秋樹葉微紫。送客不出門。白玉掃長擘。
越王嶧寺有僧歐兜蛻

伯圖既灰寒。衲蛻亦禪冷。都付塑工泥。迅矣千秋瞬。我來值桃花。有似蝶遺粉。一宿歸去來。晨齋飽蔬笋。
子效索贈其兩叔

勞子爲我言。翁去不復活。骨魄既已寒。生事亦不熱。多我諸父慈。視侄等兒列。時時惠釜鍾。廚中作糜粲。
送章蒲圻之官 嘉祿

傾蓋語日斜。肉風吹兩竅。惜哉越雞翰。遇鵠不能抱。眷言激獎私。忽駕就遠道。尙矣漆園心。爲吏不敢傲。
柳元毅以所得晉太康間冢中杯及瓦券來。易余手繪二首。券文云。大男楊紹。從土公買冢地一坵。
東極闕澤。西極黃滕。南極山背。北極於湖。直錢四百萬。卽日交畢。日月爲證。四時爲伍。太康五年
九月廿六日。對共破剪。民有私約。如律令。詳玩右文。似買於神。若今祀后土義。非從人間買也。二
物在會稽倪光簡冢地中。於萬歷元年掘得之。地在山陰二十七都應家頭之西。尙有一白磁獅
子及諸銅器。銅器出則腐敗矣。獅尙藏光簡冢。閩有黃兔窰。

遙思冢中人有杯不能飲。孤此黃兔窰。伴千三百稔。券鏹四百萬。買地作衾枕。想當不死時。用物必宏甚。
尊壘羅寶玉。裹袂賤繡錦。豈有纖纖指。捧此鍛泥葦。存亡隔一坵。華寂迥千仞。活鼠勝死王。斯言豈不審。

又

古人笑不飲。此說豈無見。五斗叫劉伶。哀來淚如霰。嗟彼太康子。冢中亦杯坵。固知好飲徒。無咽可澆噉。杯出黃土中。忽復受傾灌。譬彼避秦人。乃不知有漢。我欲學盧充。詣市賣金盃。庶幾遇小姨。知是崔氏玩。

送蘭公子

阿翁。學師也。揚州人。

耶溪芹藻色。相伴秋荷老。公子竭重來。傷心那可道。會日苦無多。相別一何早。八月廣陵濤。一葉渡殘照。夜雨偕友人進舟雲門。

夜影疊中流。進舟篔簹竹。浦鳴雨來斷。雷山雲濕可譜。及岸沿黑堤。攢豬復愁虎。燎火得緇徒。怖餘遊言語。芋爐聊炙衣。一笑賴尊俎。

天目獅子巖

巖是高峯禪處。相傳嘗爲張真人所據。師爭而有之。張道陵與宛爭青城。事見其傳。

我昔聞真人。言修不死身。選地滿天下。與鬼爭青城。一岫插天目。宛爾怒猊獰。老釋據其口。黃冠復來爭。黃冠匪他人。云是真人孫。聃曇本上聖。高道超沈冥。說教雖異軌。俱以退讓名。區區百尺鐵。青紅抹秋榮。龍女買色線。一夕繡可成。胡爲兩龍象。角吻同蒼蠅。賦此覺蚩蚩。鑒之慎勿聽。

燕子磯觀音閣

青山如美人。樓觀卽奩粧。若無一片鏡。妙麗苦不昌。茲石一何幸。值此江中央。上乘巨搆支。下集帆與檣。朱碧得水鮮。鳧鴈拂波光。煙霧不見海。神去萬里長。我與三友俱。兼以僮僕雙。日西買市飯。半道謝驢韁。五口將十足。蹶然餒且僵。百錢成一遊。安得甘旨嘗。歸來乏燈燭。微雨沾我裳。沾酒不成醉。頽然倒方牀。

猶夢立閣中。遙觀大魚翔。

野火

馬血爲轉燐。人血爲野火。何爲松柏間。赤輪陟如跛。人言鬼炬微。神者赤而大。騶導向空馳。填雲盛旗馬。枯冢僻且荒。來遊則云那。我欲往詢之。恐卽無可話。隔河聞於菟。黃犢夜在野。一夫呼以馳。炬滅松露瀉。

鷹。相鷹書。出雜俎。

味嗽識奇才。千金買遼海。鐵鬪睽秋空。駕鵝百迴敗。雲中作場戰。韓彭鼓天外。

馬

誰家連錢聽。拯撥黃塵起。千里一飯間。九州能有幾。健兒不得騎。淚落青芻裏。

犬

少年獵平原。左盧右宋鵠。兔起鶻落遲。一顧先已搏。但莫空中山。前頭有湯鑊。

狸

狸雖一尺軀。猛氣制十里。有時怒一號。無牙墮梁死。安得此輩來。坐吾書厘底。

俠客

結客少年場。意氣何揚揚。燕尾茨菰箭。柳葉梨花槍。爲弔侯生墓。騎驢入大梁。

麗人

何處行雲去。遙遙出洞房。月裏儻並色。鏡中無此粧。所思望不見。縞袂日邊揚。
才子

佩筆不須長。高唐侍楚王。紅蘅慙邊出。白雪口中翔。殺青供不及。一夜白瀟湘。
酒徒

御史別淳于。金釵墮長夜。五斗不濕唇。雙鬢抱壚瀉。笑殺斗升腸。耳熱索竿蔗。

遊大尖 松茂。桃
復盛花。

萬松滴千山。妙翠不可染。割取武陵源。固是天所遣。秦人跡無有。雲中叫雞犬。夜泊漁舟來。下山尋不見。
空上人常住少林。索作於菊下。

相逢菊花下。相映菩提光。試問少林壁。穿雲幾許長。指月莫盼手。擲拂閒挂墻。睡麝微作吼。獅子一時降。

宗孫有別字柱南者。索賦。天柱山
在城南

天柱插南雲。孤城滿蒼翠。小鳳讀書餘。內履窺粉雉。大魚作鳥飛。風穿萬林鼻。舍北以圖南。物與人意會。
念彼共工額。幸不觸斯際。不然小折傷。恐煩太皞妹。小鳳顧予言。補天吾掉臂。

上冢

吾叔邵武公。當年與我翁。雙陪閩蜀守。竹馬走兒童。歸來知幾日。相繼歸窀穸。黃泥閉雪髯。欲會那可得。
叔家城北居。高棟亦彫題。邀賓夕駐馬。爲母日烹雞。一朝桑海換。不能保子孫。負薪冢上道。養鴨水邊村。

我今六十五，仍高破角巾。年年上爺家，每每到孫家。孫家留我坐，孫婦辦湯茶。以我上冢牡，啖孫且滿引。遶籬黃蝶飛，抽籬高碧笋。起視檐西東，分簷住蜜蜂。問蜂窠幾許，四十還有餘。窠窠如不敗，勝我十畝租。

鶴擾鵲雛鷹黨翻然來救

水鳥修其脛，插彼茄菰澤。俛啄蝦魚，深不下三尺。況乃嗉中倉，可內寸鱗百。江海饒此州，何往不充噉。雄鵲知乳雛，作室高樹末。三月始罷斤，是予親所爇。長脛一何饜，掠雛剽其宅。叔仲兩三頭，自窺寧顧伯。顧鵲翁與母，叫噪徒頡頏。蒼鷹等路人，與鵲少平日。不作鄉隣看，被纓救其格。特恐李陽拳，難蠹鳴垤額。盛邀爽鳩雄，並是夷門客。朱亥袖鐵椎，侯嬴出奇略。左右信陵軍，一舉解趙壁。五國破大秦，九合成小白。義高誠足憐，多筭亦何碩。磔虺黑柏顛，獨奮少掎角。猶煩拾遺歌，不朽俠徒迹。三復鷓鴣詩，白日爲儂黑。

感鷹活鵲雛事因憶彘衛衞梓巢鶴父死於弩頃之衆擁一雄來匹其母母哀鳴百拒之雄卻盡啄殺其四雛母益哀頓以死羣凶乃挾其雄逸去

鶴廢止一時，古語亮匪誣。戟門巢梓者，狹斜挺羅敷。少年繫青絲，蹶張戎侯衞。胡不自長守，轉殫雪色顛。乃向琴瑟杪，落此貞女夫。羣雄太無賴，挾鰥匹子都。有如惡媒姆，送贅填門閭。借衣盛粹蔡，叫嗷傾百壺。玩習爲故事，指鴈翻闕迂。孰知狹斜內，而有羅大家。賊雄殺黃口，希以威怖圖。殉夫義可族，何計收其孥。此事去已久，三紀頗有餘。其時裂肝膽，狂走日夜呼。安得毛摯俠，似此鷹活雛。弁州隔幾海，有物暗高梧。

設爲魚蝦所詰

啄鵲憎大鳥。無恠吾子然。從史飽蝦魚。子意一何偏。鱗卽賤於僕。於羽何擇焉。盛冬水如石。膠鬻不得旋。孕腸急鞵鼓。張目不得眠。荻菰芽始白。桃花漲春田。熨塊出纒瑣。多死漁者筌。鱗裸及鵲鷖。較估誰艱難。矧茲網罟酷。百倍鳥有鷓。雛攫子不許。鱗爛子許旃。乃乖漆園理。奪蟻與烏鳶。等爲一盜耳。何猛此彼寬。竊東子則許。竊西子拘鉗。波臣詰如此。而我難爲言。衆生遞吞噬。此業何時捐。西方古先生。解破萬壁堅。龍門儻罷躍。飛去好相叅。汝或未卽去。我姑代彼宣。三戒嚴重殺。五淨肉亦權。鵬飽六月息。孝先腹便便。

天竺僧

揚帆三竺淚。弭錫五羊城。黑人初以涉。琉球次所經。波弧十五兆。日矢九千贏。初至黑人。次至琉球。至廣州。凡涉三萬里。歲三周。以弧矢此數。得人疑鵬六息。彼視螻一信。衍旣隘九土。師亦眇八垠。片楮畫大卵。沃焦瀟孤泮。劈芥內閣浮。粉塵陋虛鄰。鐵籠臥龍象。銀瀾恬蛟鯨。梵眼隻字掃。江海百谷臣。云胡白氈底。乃有赤篆文。象胥幾何譯。龍樹鮮悲噴。挂履度蔥嶺。跌湫蛻巖雲。投夾叢南寺。乃偕領西昆。漏沙自箭準。聖水他濤奔。有爲乃復爾。無量何由臻。相色示戲幻。接引詎勞塵。白馬幸維寺。黃龍未演輪。薄痾阻問訊。擬待桃花春。

煩吳伯子治墓堂

火瘞世曰凶。水封豈佳卜。兩徙踰五紀。先魄偃幽瀑。多子爲我更。我遽往京國。買石百尺餘。托子安墓卓。子冗辦未遑。我歸上冢哭。鵝魴設未已。老雅掠緘肉。候果慕旁兒。指告蟻上燭。草設無威儀。人怠物不肅。坐此無歡期。改燧十二木。乃三年也。昨者賣字錢。募工可五六。仍以煩吾子。歇百了一役。

早禱十七韻次陳長公

早魃虐以猖。商羊乃深避。雲漢夜昭回。遵彼槁條肄。絕意豕涉波。必死蚌持翠。蜥蜴山澤窮。緘豨屠賈致。黃縹遞唄詛。元冥等鬻贖。如聞柴望禋。感通有精義。洪疇傲恒陽。絲露肅常饋。商林沃乃深。秦天豈終醉。壇今隣閭闔。闔亦撤幽闕。雷吏綠章封。寧有不達字。油然未崇朝。沛爾倏濡遂。虎貓效蜡勞。豐隆響羣崇。連臂解桔槔。極目醒枯悴。歌帝悅穰穰。報典虔惓惓。寡人無農憂。連夕美涼寐。農穫譬中行。美寐猶其次。糴賤勝作農。先生有酒食。

陳長公餉日鑄茶、瓦窰港銀魚、白下法炮巨甌、夜酌深談、次其韻。

日鑄標槍芽。月團捲旗避。織甲赭舊條。柔針綠新肄。瓦窰五寸銀。脊色偃微翠。雙裙謔可談。九肋底能致。伯云準食醫。治以聰我聒。樹炮法內京。酌長非外義。珍此五侯鯖。慚余十漿饋。主旣唱無歸。客顧稱未醉。階蟲先秋吟。徑竹上霄闕。叔夜寂鳴琴。子雲寥問字。待扣匪洪鐘。立涸是盈溢。泗鼎曠沈淪。神姦恣精祟。伍員終鴟夷。三閭竟憔悴。白駒返谷空。黃鳥臨穴惓。千古究何窮。再燭不能寐。曲禮問更端。梵詮編復次。伯榼旣已空。吾出吾簞食。伯子近稱重聽。

修拄杖首、修髮網、膠漏磁壺、及哥窰甌、某亦病隻耳聾、次前韻。

猾器幸自殘。黠絲巧規避。辟諸執掌人。彼逸此獨肄。一竹楚啼頰。雙磁越窰翠。物非人易求。道遠我難致。無丞有重聽。髮覆彌黨聒。約髮無紀綱。晨帳缺宋義。握粟付驥工。寧減朝食饋。詎意彼驥者。無往不辭醉。

編纓高箱塵。馬尾枯囊闊。跟鏘攢八針。邀呼輸四字。浪言伏卯清。竟滌下流遂。櫛束起鬢鬆。嘲呼免臄崇。老子云。寵辱若驚。爲下。孔
竹返磁亦歸。黥補色終悴。注瓦智靡昏。捧玉神若惴。飯破視何益。囊空臥安寐。辱卽寵爲下。若驚爲下。孔
云。其次辟色。色卽禮貌之衰也。
其下則饑餓。受周近豕交矣。辟乃色最次。屠門盛豕交。寧爲愛而食。

早甚久不應禱再追前韻

祝融黨義輪。元冥引車避。課窮燧人蘇。徵及棗杏肆。輟鮒稿厥頰。壇緞禿其翠。走索華陽逋。沈瘦永難致。
竟辜燒尾恩。翻仇瘵角贖。玩愒如不聞。曠瘵秉何義。余齋廢酒沽。朋祭阻肉饋。方嗤澤畔醒。敢思河朔醉。
承風獨有雌。納月幸無闕。哽哽向隅悲。咄咄作空字。朝筵聞客云。宵鋤盜隣遂。雲密不東郊。棘孽復西祟。
昨子凜今靡。舊殍理新悴。漸少播乞驕。而多褐犬喘。待盡歌有爰。無叱祈尙寐。感此疾威曼。遣以競病食。

送友人

寒風夜中起。游子朝作客。河流一尺冰。屋瓦三寸雪。君把轡與鞦。觸手冷於鏡。此時山中人。覆絮敗毛褐。
欲寄寄莫由。此意共誰說。

送王雪漁北上

淮陰所佩劍。不審值何許。佩劍以釣魚。於義亦何取。一日幾垂竿。竿竿可幾鯉。叶乃至捐漂廚。庸以益漁。
腑。我取魚之劍。聊略爲漁估。卽非百金資。可易數月黍。漁也智絕倫。何獨昧茲舉。腸饑乞可爲。劍去何所。
仗之楚復之。漢漁並仗劍。往可以負漁竿。踉蹌見劉項。猝辦恐後時。載質先出疆。叶上王郎不釣魚。故亦

無竿餌。聞郎所持竿。貫以山中紫。毫長一寸餘。竿只五寸止。居則南狎越。行則北聳燕。淮陰劍三尺。郎劍五寸縣。歸來報千金。漂母是何人。封侯劍不取。卻取釣竿親。

吳季子餉我細腰壺蘆石上芝

葫蘆老細腰。乃似細腰女。卽令楚宮來。今亦不堪舞。我聞方外醫。庸以盛藥丸。梧子及魚眼。可容百萬千。老圃畜蔬種。亦夠一頃田。我既醜醫帳。亦復少蔬阡。擬挂於扶老。支吾五岳顛。心強足不健。終歲掩帳眠。止取作蒸鵝。聊以謔客涎。

又

芝朶雖不潤。芝色堅且古。根鬚絡拳石。如筋蝕臂股。絡古不復脫。初芽寧藉土。石色旣已黃。芝紫亦稍嫵。有如意魁梧。狀貌乃婦女。穀城弔老人。淚下潛如雨。置我筆研間。長與留侯語。

大寒嶺啖新胡桃頻婆諸果

北游作

天險旣已異。地產應亦殊。胡桃及平波。朱碧明椒隅。入夏而徂秋。葉翠尙不渝。但少鳥與雀。而多羸與驢。易水非不邇。灤河不爲迂。但求一寸鱗。如海求猿狙。遙想燕太子。食客焉得魚。以知荆高徒。日嚼羊與豬。猛風增食肉。嗔憤易睚盱。慷慨赴秦庭。不復顧其餘。乃緣謀略短。豈真劍術疎。舞陽一豎耳。何乃與之俱。哀哉樊將軍。空割一隻顛。國有千乘大。能用王可圖。乃恃五寸鐵。爲計亦何愚。

往馬水口宿煙籠陀庵

昔從良涿行。茲山在雲際。昨夕宿茲山。雲乃出衣袂。四徒夾一輿。兩膝拳至鼻。一里轉百盤。鋸牙不得直。結葦以爲廬。削木冒金髻。夜鐘但超懸。晨雞聊一嘒。巉巖旣高蹇。嶺岼復孤厲。回思燕趙時。築城遏胡騎。安得盡如斯。脫巾開戶寐。

湘竹一妙管付截壞其頂文。

武侯敗街亭。馬謖違節制。兵穎迥不同。大小俱是事。茲管湘中來。百中其一耳。有如玳瑁魚。腦血徑彈子。又如鸞與鶴。頂發楊梅紫。全體匪不華。獨此猶覺異。詎可拘尺寸。但須存紋綺。畏炎不得行。付托昧厥旨。舉刀一鏗然。顛落不可止。持歸以復子。魚鶴不成理。對之一捧腹。削圓方竹比。

口中

口中萬吞吐。莫道一俗字。芻豢離喙唇。冰雪滿牙齒。身中百所爲。亦莫涉一俗。但爲鸞鶴翩。暮卽雲霞宿。有斤不削人。有繩不直木。淤泥填大千。荷葉自抽綠。從此戒爾後。慎莫蹈往覆。有如垂教言。斷舌肘其足。

鷗虞

鷗虞生猛虎。鳳凰產梟鷲。二聖有朱均。太虛亦青擘。纖纖妙膚理。盎然長疣贅。梗楠固鴻材。鍾斛瘦其際。橘柚匪不甘。豪蟬而芒刺。美惡一何殊。胎孕乃非二。越雞伏鵠卵。變之苦無計。果羸秉何神。娟蠟乃能似。

曇陽

曇陽一髻左。道人三朵花。誰云只是你。安知不是我。大海徹岸冰。小生沒處躲。

又

聞道居繇竹。看來幻落花。團團輪北斗。處處種西瓜。遍地皆祇樹。何方不落伽。

又

無鼻無眼孔。有頭有尾巴。蛟龍大蠓蟻。蝌蚪小蝦蟆。一結生百結。百些無一些。

又

將軍騎健馬。稚子打慈鴉。各奔前程路。都來暮鼓衙。同舟迷敵國。幕面認通家。

又

何事移天竺。居然在大倉。善哉聽白佛。夢已熟黃梁。托鉢求朝飯。敲鑼賣夜糖。

又

明知騎竹鳳。還道媚妖蛇。可恕者落帽。難饒者脫靴。一靈生滅已。百吠是非耶。

又

男女兼黃白。丁寧囑再三。特將鐵掃帚。痛掃世姪貪。竊幸師與我。不異青與藍。

又

火龍長九九。泥蛇八十一。一物而兩呼。兩呼只一物。將泥認外蛇。見蜂硬割蜜。

又

好人不在世。惡人磨世尊。聰明管自己。關冗任乾坤。遺命云聞帝。多應是嚇人。

又

獅子吼未歇。蝴蝶霎已來。衆生自矇矓。抵死致疑猜。認賊由他去。謗佛何爲哉。

青藤書屋文集卷五

七言古詩

贈呂正賓長篇

海氣撲城城不守。倭奴夜進金山口。銅簽半傅鷓鴣膏。刀血斜凝紫花繡。天生呂生眉采豎。別卻家門守城去。獨攜大膽出吳關。鐵皮雙裹青檀樹。樓中唱罷酒半曛。倒着儒冠高拂雲。從遊泮水踐繩墨。卻嫌去采青春芹。呂生固自有奇氣。學敵萬人非所志。天姥中峯翠色微。石榻斜支讀書處。

三茅觀觀潮

黃旛繡字金鈴重。仙人夜語騎青鳳。寶樹攢攢搖綠枝。海門數點潮頭動。海神罷舞迴腰窄。天地有身存不得。誰將練帶括秋空。誰將古概量春雪。黑鷲戴地幾萬年。晝夜一身神血乾。升沉不守瞬息事。人間白浪今如此。白日高高慘不光。冷虹隨日縈城隍。城中那得知城外。卻疑寒色來何方。鹿園草長文殊死。獅子隨人吼祇樹。吳山石頭坐秋風。帶着高冠拂雲霧。

陰風吹火篇呈錢刑部君附書

八山

側聞公遠臨江滸。普薦國殤補化理之不及。超沉淪而使脫。涓敷揚鮮才。歡喜無量。賦得陰風吹火篇以獻。附書別作四首。兼乞覽觀。率戲效李賀體。不審少有似否。別奉唐集一部。伏希垂納。

陰風吹火火欲燃。老梟夜嘯白晝眠。山頭月出狐狸去。竹徑歸來天未曙。黑松密處秋螢雨。煙裏聞聲辨鄉語。有身無首知是誰。寒風莫射刀傷處。關門懸纛稀行旅。半是生人半是鬼。猶道能言似昨時。白日牽人說兵事。高旛影臥西陵渡。召鬼不至昆盧怒。大江流水枉隔儂。馮將呪力攀濃霧。中流燈火密如螢。饑魂未食陰風鳴。燭體避月擢殘黍。幡底颯然人髮豎。誰言墮地永爲厲。幸官功德不可議。

楊妃春睡圖

守宮夜落胭脂臂。玉塔草色蜻蜓醉。花氣隨風出御墻。無人知道楊妃睡。阜紗帳底絳羅委。一團紅玉沉秋水。畫裏猶能動世人。何恠當年走天子。欲呼與語不得起。走向屏西打鸚鵡。爲問華清日影斜。夢裏曾飛何處雨。

雪

暮天寶色珊瑚紫。海氣結雲雲不蕊。瑤闕重關金鎖寒。枕席無歡帝妃死。百神走馬散曹吏。馬蹄踏空神各視。天孫織手裁素羅。總帳橫施九萬里。鮫人絲色光海波。海犀輸織一萬馱。神人買贖不足用。長鬢散縞呼諸娥。世人不解天上苦。羅帳錦筍圍日暮。換取貂襴拂玉鞍。起向山南射黃兔。

萬里比隣篇贈嘉則

白藤織笈春花密。青袍剪水波紋濕。出門寸步卽天涯。幃底牽衣絃正急。關山斷路不斷髮。吳刀割水那得分。章華楊柳弄舊色。何地卻少春申君。人生遠遊須及春。青天能容七尺身。芳草長途去萬里。望望吾

家隨處是。

述夢

伯勞打始開。燕子留不住。今夕夢中來。何似當初不飛去。憐羈雌。嗤惡侶。兩意茫茫墜曉煙。門外烏啼淚如雨。

又

跌而濯。宛如昨。羅鞋四鈎閒不着。棠梨花下踏黃泥。行踪不到棲鴛閣。

今日歌

是年歲寇古北口。入潯都城。

琉球佩刀光照水。三年不磨繡花紫。換錢解向市中懸。我貴彼賤無人市。家惟此刀頗直錢。易錢不得愁欲死。客問此刀值幾何。廣州五葛飛輕雨。乃今求市不較量。但輸三葛錢亦止。千人十往九不顧。向刀長立折雙趾。一日不食良已饑。兩日不食將何以。卻走異縣告長官。往日停車儻知己。平生自有孟嘗心。今日翻思門下士。

二馬行

誰家兩奴騎兩驄。誰是主人云姓宗。朝來暮去夾街樹。經過煙霧如游龍。問馬何由得如此。淮安大荳清泉水。胸排兩嶽橫難羈。尾撒圓毬驕欲死。陽春三月楊柳飛。騎者何人看者稀。梅花銀釘革帶肥。京城高帽細褶衣。馬厭象養人有威。出入顧盼生光輝。去年防秋古北口。勁風吹馬馬逆走。對壘終宵不解鞍。食

粟連朝不盈斗。將軍見虜飽掠歸。據鞍作勢呼賊走。士卒久矣知此意。打馬追奔僅得殼。天寒馬毛腹無矢。餓腸霍霍鳴數里。不知此處踏香泥。一路春風坐羅綺。

送蘭應可之湖州

梅黃雨霽帶陰輕。送客西門驛路平。會多忽別疑且驚。愁心應手枝淒清。荷花鏡裏紅侵舫。時共耽遊楫。徐漾思君若溪若天上。空佇清歌對誰唱。

觀獵篇

井序

王將軍邀予觀獵。時積雨初霽。飛走者避匿。予從將軍諸騎士牽狗出太平門。抵海寧沙上。頃刻馳百餘里。不見一雉兔而還。乃割所攜鮮飲月唐寺中。

茅刀割水嬌紅茜。風偃寒稍臥長堰。青林疎樹隔荒墳。白水茫茫看不見。將軍本是北平豪。記得依稀身姓曹。怕向揚州作貴客。慣從下澤驟鳴鑣。萬里秋郊平似舸。千騎圍中一是我。箭叫餓鷗龍騰快馬。趁鹿逐麋解縱掣鎖。耳後生風鼻頭出火。自來此州殺賊不暇。阜鷗氣銷韓盧魄墮。昨見儒生衣長履大。入垵令公揮金不謝。抽筆制詞響弓輒射。住釋挾屠列牛食鮮。外枯中腴無所不可。促騎請邀徵徒出野。牽犬莫遲。見兔輒打儻遇大兕。一發斷髀爲先生壽。引滿十罇健兒跪領將軍言。翻身上馬去如煙。寶刀映日不足數。角巾受風真可憐。淺草平堤水痕聚。萬蹄避水移家去。沙擁肥螯掠岸飛。絲牽小豸當空乳。漢將窮追路欲闌。胡家甌脫避何難。今朝立馬祁連上。不見匈奴一騎還。

題任子家所藏雙鳳鳴陽畫

海水動天天欲曉。天曉日炙珊瑚老。蛟人泣夜不得眠。早起來聽鳳凰叫。梧桐百尺秋雲際。竹梢覆水千
年子。一飛一宿還一鳴。百神張樂鈞天啓。梧生誠亦難。鳳出良不易。願以黃金鑄。梧樹莫教飛向丹山去。

畫鷹

閩南縞練光浮膩。傳真誰寫蒼厓鷲。生相由來不附人。綠鞵空着將軍臂。八月九月原草稀。百鳥高高兔
走肥。煙中斂翼遠不下。節短暗合孫吳機。此時一中貴快意。深林燕雀何須避。惟將搏擊應涼風。誰貪飽
櫛於山雉。昨見少年向南市。買鷹欲放平原轡。凡才側目飽人餒。不似畫中有神氣。夜來鷗梟作精魅。安
得放此向人世。秋風一試刀稜翅。

贈歌者

東風吹雨楊花落。清歌細遠鳴鐘閣。斗酒將傾客不來。白日斜飛晚雲薄。回腰欲舞不得舞。試買羅衫倩
誰估。

對明篇

四明山高萬丈。南爲姚邑。面前屏。北卽新昌後門障。新昌有客身姓呂。要與此山約爲主。尺素馮將一穴
通。屋後安窗小如許。窗中有時颯風雨。說是山靈教送與。夜來猛虎嘯一聲。雄心枕畔風吹去。長安花枝
高入天。金陵有酒多如泉。花留酒勸不肯住。歸來只愛窗中眠。窗中有書積萬卷。書盡是山靈管。有才

無命不干時。亦對山靈同一莞。聞道去年醉采石。醉去狂來呼李白。散髮題書萬竹中。騰身舞劍青天側。此時山靈失主人。自騎青虎尋復尋。肉眼那知神道至。主人自識交親臨。竭來筆端自有神。橫開醉眼雙作噴。此時墨雨添江水。此際詩花弄莫春。莫春江水平無邊。射策封書復幾年。明珠不遇賈胡識。寶劍難酬夜色鮮。談諧漢庭方朔老。如聞永謝長安道。況我今爲抱拳人。蟻虱移家宮絮襖。兩人曾作青春身。當時同說不同貧。君今幸不爲樊鹿。亦似蛟蟠不得申。蓮花之峯亦佳麗。君胡中道相捐棄。邀我題詩對四明。我自貪君百壺旨。只恐蓮花噴。四明喜。我亦付之一醉矣。

繼溪篇

海水必自黃河來。桃樹還有桃花開。試看萬物各依種。安得蕙草生蒿萊。龍溪吾師繼溪子。點也之狂師所喜。自家溪畔有波瀾。不用遠尋濂洛水。年年春漲溪拍天。醉我溪頭載酒船。一從誤落旋渦內。別卻溪船三兩年。

北雲篇

君家樓北樓子山。大椿千年去不還。白雲一片松間起。游子相望淚如雨。殷勤夜烏莫更啼。東方日出煙生樓。

賦得百歲萱花爲某母壽

二十年前轉眼事。憶共郎君醉城市。阿母烹雞續夜筵。夜深燭短天如水。我母當時亦不噴。郎君過我亦

主人兩家酣醉無日夜。罈愁甕怨杯生菌。只今白首二十載。我母不在爾母在。八十重逢生日來。雙扉況復門庭改。我今破網未番然。兩翅猶在彈丸邊。郎君長寄書一紙。阿母多應贊一言。上壽誰人姓張者。圖裏萱花長不謝。阿母但辦好齒牙。百歲筵前嚼甘蔗。

楚宗室雞將啄蟻畫

錦葵窠下雄雞白。黃蟻有翼飛終澁。不應草葉更相遮。五寸荊柯千里隔。王孫妙思快啖吞。馬遷奇筆寫鴻門。當機對敵只如此。翻令看者飛心魂。

沈刑部善梅花。卻付紙三丈。索我雜畫。

長安街上塵如霧。葛布眼風難度。歸來掃溷索長箋。一束溪藤沈刑部。墨漿五合飽蒼蠅。刺葉藤花畫不成。門前銅盞呼人急。卻是冰兒來賣冰。乾喉似火逢薪熱。一寸入口狂煙滅。自慚野卉不成妍。刑部梅梢如拗鐵。

送陳君會試

霜花作錢綴芳草。折荷送客邪溪道。荷乾葉老障啼鴛。不及梅花弄清曉。折卻梅花贈所知。娥江東邊舜江西。封書七尺長髯客。早晚長安白馬嘶。長安白馬去如雲。杏花有情要逢君。爲君留卻花三載。肯倩東風嫁別人。去年君來棘牆柵。半醉不醉秋月白。遣我海蚶顆三百。瓦溝一一瑩霜雪。今年君馬向長安。我無一絲挂君鞍。但飛一滴相思淚。萬里隨風到杏園。

天壇

高皇乘此馬夕月。今誤用之爲郊。白雀事見西陽雜俎。

張公當時騎白雀。下與高皇共斟酌。一從九鼎向幽燕。碧壇空鎖琉璃斲。古松舊栢黑成迷。綠瓦從中一雉飛。揚雄不得陪郊祀。空憶當年執戟時。龍駒遠自施羅來。開平已死無人騎。卻付羽林誰健兒。壓沙五石緩其蹄。真人雄心老更雄。月中自控赴齋宮。四十八衛萬馬中。一塵不動五里風。黃栢太苦蔗太甘。盛時文字忌新尖。當時作頌卑枚馬。付與金華宋景濂。

十六夜踏燈與璩仲玉王新甫飲於大中橋之西樓。

樹枝畫月千條弦。十五不圓十六圓。挂向酒樓簷外邊。南市好燈值底錢。大中橋上遊人坐。不飲空教今夜過。紅脂在口香在樓。那能一個到壚頭。青衫白馬無聊甚。望斷黃金小鈿鞦。

六月七日之夕與梅君客生及諸鄉里趁涼於長安街醉而稱韻得片字。

長安白苧風吹斷。銀河瑟瑟難成片。楚人慣自唱陽春。一曲未終人已散。西內湖荷沒鶴長。裁笛不得只聞香。東方萬瓦寒樓閣。月照金鳩琥珀黃。

摩訶庵括子松下聽弦上人彈琴

上人號無弦。云翰林人所與。

括子松。知幾樹。黛色遙遙入雲際。上人彈琴坐其底。十指引出七條水。松清琴妙聽者寒。松葉堆翠成高山。流濤遶殿撼鐵板。獅子欲吼復不敢。泛聲忽歇浮雲住。細猱一寸猿騰去。南園玉蝶隔花聽。東海金鷄乘霧語。顛師一曲悲昌黎。我亦聞弦別鶴悽。悟來忽問無弦旨。指鳴弦鳴須答對。是不是。問太史。

謔雪一笠黃茅、小草屋也。
廢廢一蓬蓋、瘠僂也。

梅花一夜窗中見。昨多少雪春無。寒來借景苦無多。窗小只須三百片。每舉枯杯對此花。只愁落盡是風沙。誰知滕六雖無賴。亦遣殘綃縞樹叉。一行分向朱門屋。誤落寒酥點羊肉。錦屏不使凍胭脂。飛絮落鹽絃上撲。四條筋急冷鷓鴣。一二時中肉作園。豈無一笠黃茅裏。僵殺巖巖一瓿盞。初起青蘋本亦同。大王畢竟是雄風。總令受者自分別。難道青天秉至公。

白鵬詩

閩南煙雨迷青嶂。孤雌挾子飛天上。卻憶羈雄不得歸。兩槩深籠鏡波漾。片雪長梢向尾分。有時夢見武夷君。山長水遠無書寄。不及南飛鴻鴈羣。主人爲爾苦惆悵。開籠欲放非難放。矰繳鷹鷂何處無。萬里馮誰報無恙。

握錐郎

城西南握錐郎。醉臥人家樓上牀。樓上女兒髮未長。汗脫胭脂腕午粧。錐郎雙管軒正急。女兒一見走且僵。走向廚中喚爺娘。認是西家老鴿鶻。從來不亂雌雄匹。定是多爲麩蘖傷。扶下樓層梯十二。明朝說與都不記。豆蔻孤香依舊含。葡萄千日如前醉。我聞此語高其人。有迹無心那可噴。東牆桃花各有主。肯使西家共個春。楚國才芳無宋玉。東鄰如花女獨宿。攀牆噴玉已三年。玉對楚王堅可憐。小臣不比登徒輩。似隔銀河路幾千。阮籍酣來眼不青。阮咸醒處大奔鶻。借馬追姑生奪婢。因喪弔女哭無情。哭無情。笑有

態倒千金。須一買。即使囊空買不成。韓香竊卻未相應。罷繡豈少倚市門。且須濁水澆乾唇。投桃或可求連理。贈藥安知不消津。烏雞配獸亂羣。卓軫鳳皇生逾賤。韓塚鴛鴦死越芬。青陵一曲崩高雲。

星渚篇

昨夕夢見張騫至。今朝忽遇婁星渚。同是天河往復還。可曾相識牛和女。牛女迢迢河漢邊。烏鵲爲橋半月圓。黃姑憐彼久離索。折取瓊枝插作妍。龍山盡處深波白。夜夜予來弄明月。釣竿拂卻珊瑚長。波聲細作琵琶咽。此時予思橫不禁。此際蕭郎繫妾心。樓中刻漏滴復滴。月裏梧桐陰復陰。婁子訝予醉欲去。去買鯉魚長尺許。既教柳葉出娥眉。更取花枝催羯鼓。鼓聲高急似鳴鼉。星高月落奈如何。依稀鵲叫東方白。爲作迢迢星渚歌。

無題

中秋作

黑雲風搓成細索。皎月天開空霧落。雲索條條有時斷。月皎夜夜同君樂。杯酒壺觴不盡興。坐到天明復沾飲。彩雲五色月染成。添護蟾宮桂花影。

廿八日雪

時綿被
被盜

生平見雪顛不歇。今來見雪愁欲絕。昨朝被失一池綿。連夜足拳三尺鐵。楊柳未葉花已飛。造化弄水成冰絲。此物何人不快意。其奈無貂作客兒。太學一生索我句。飛書置酒雞鳴處。天寒地滑鞭者愁。寧知得去不得去。不如着屐向西頭。過橋轉柱一高樓。華亭有人住其上。我卻十日九見投。昨見帙中大可詫。古

人絕交寧不罷。謝榛旣與爲友朋。何事詩中顯相罵。乃知朱轂華裾子。魚肉布衣無顧忌。卽令此輩忤謝榛。謝榛敢罵此輩未。回思世事髮指冠。令我不酒亦不寒。須臾念歇無些事。日出冰消雪亦殘。

題畫

南海荔枝我曾喫。今見雙鷗奪殘一。邊郎元是隴西人。乃能畫此南中物。我聞南海之枝更絕倫。卻只聞之未入唇。不知雙鳥爭殘顆。只是海南還是閩。

鄭本白兔

噫吁嘻。蝦蟇無翼能載羿妻。宋鵠之捷寧不能飛。人言日廣千里。月亦如之。七爲樓臺三爲坻。吳罡斫桂不得睡。帝命牽犬而獵之。婁金之宿徒有光芒。趙簡之翟旣以贈將。罌兮持手不得獵。下呼鵠也騰蒼蒼。玉兔告墓墓不得庇。宋鵠上天。玉兔下地。

沈叔子解番刀爲贈

沈子報讎塞外行。一詫便得千黃金。買馬買鞍意不愜。更買五尺番家鐵。鏤金小字半欲滅。付與碧眼譯不出。細瓦廠中多狐狸。京師夜行不敢西。叔子佩之只一過。黃蒿連夜聞狐啼。今年我從上谷行。中丞遣我聊癸庚。買驢南歸只兩旬。只愁馬上逢黃巾。叔子見我無所仗。解刀贈我行色壯。畢竟還從水道歸。挂在蓬窗兩相向。一日十拔九摩挲。鞘影鱗鱗入向河。須臾報道漁罩外。電脚龍騰五尺梭。

客強予畫十六種花。因憶徐陵雜曲中。二八年時不憂度之句。作一歌。因爲十六花姨歌舞纒頭。亦

便戲效陵體用陵韻

東鄰西舍麗難儔。新屋栖花迎莫愁。蝴蝶固應憎粉伴。牡丹亦自起紅樓。牡丹管領春穠發。一株百蒂無休歇。管中選取八雙人。紙上嬌開十二月。誰向關西不道妍。誰數關頭見小憐。儂爲頃刻殷七七。我亦逡巡酒裏天。昭陽燕子年年度。誰能鏡裏無相妬。鏡中顏色不長新。畫底胭脂翻能故。花姨舞歇石家香。依舊還歸紙研光。莫爲弓腰歌一曲。雙雙來近畫眠牀。

予作花十二種。多風勢。中有榴花。題其卷首曰石醋醋罵座。

洛陽城中崔處士。花園麝起花妖至。封姨十八太顛狂。石家醋醋新高髻。醋醋能嬌百帶牢。珊瑚枝上織鮫鮪。明珠似月搖難落。冰住黃魚白鰓膠。封姨身重不能斤。翻杯濕卻石家裙。初來競唱迎姨曲。轉眼翻爲罵座人。朱唇粉暈山眉遠。愁來皺斷春蠶繭。石娘嬌小不辭觴。夜深潮淺腮紅軟。金鈴不動仗崔徽。明歲馮他十八姨。借問當時諸女兒。可似此中數抹藍燕脂。噫吁嘻。胡蝶灰。黃蜂錐。封姨之風。豐隆雷。問畫圖。有與無。十八姨。胡爲乎。高陽酒徒。燕市狗屠。耳熱之後。秦箏鳴鳴。明日重陽。無錢可沾。十八姨。胡爲乎。十指握鈎。五白呼盧。夜叉子都。同醉一壚。十八姨。胡爲乎。

蟹

雖云似蟹不甚似。若云非蟹卻亦非。無意教君費裝裹。君自裝裹又付題。世間美好人奪冒。略涉小醜推向誰。此幅難云都不醜。知者賞之不容口。塗時有神蹲在手。墨色騰煙逸從酒。無腸公子渾欲走。沙外漁

翁拗楊柳。

王鵝亭鴈圖

本朝花鳥誰高格。林良者仲呂紀伯。矮人信耳輒觀場。只曉徐熙與崔白。崔徐一紙價百金。風韻稍讓呂與林。卽如此圖王鵝亭。云是剡溪雪夜人。鴈兒一掃六十隻。何隻不落青天雲。沙黃蘆白喜相逐。逸者飛鳴勞者宿。不須彭蠡泛扁舟。彭蠡湖今在吾日。

畫百花卷與史甥題曰漱老諢墨。

世間無事無三昧。老來戲謔塗花卉。藤長刺闊臂幾枯。三合茅柴不成醉。葫蘆依樣不勝措。能如造化絕安排。不求形似求生韻。根撥皆吾五指栽。胡爲乎區區。枝剪而葉裁。君莫猜。墨色淋漓雨撥開。

又圖卉應史甥之索

陳家豆酒名天下。朱家之酒亦其亞。史甥親挈八升來。如椽大卷令吾畫。小白連浮三十杯。指尖浩氣響成雷。驚花蟄草開愁晚。何用三郎羯鼓催。羯鼓催。筆免瘦。蟹螯百雙。羊肉一肘。陳家之酒更二斗。吟伊吾。迸厥口。爲儂更作獅子吼。

九馬圍人圖。二圍醉。瀕墮。王元美爲太僕卿時。刻種王八駿圖。形如蠅蚘。

穆王八駿西馳去。造父把轡爲之御。此時八駿誰傳形。太倉老王太僕卿。刻石嵌在卿之庭。馬瘦尾尖了無肉。頸長筋綻抽蘭莖。儼如蠅蚘綠壁騰。謂之爲龍特無鱗。此圖之馬乃九匹。卻比八駿多其一。骨聳肉

勻亦奇物。老眼寧知畫者誰。摩挲卻是孟頫筆。牧夫九人二人醉。醒者扶之醉不墜。河南山東牧馬兒。汗酒胡葱醉似泥。此時儻墮無扶持。馬且失矣太僕笞。

完淳篇

人索賦其別字。

七孔雖外交。誰令滑其裏。一朝一鑿之。七日渾沌死。大隗山上牧馬兒。軒轅黃帝稱天師。牧兒馮馬馬則擾。伯樂治馬馬生巧。噫吁嘻。海若太倉之米。莊生濠上之魚。紀渚木雞之無敢應。野老鷗鳥之忘其機。葛天無懷差可意。盧敖汗漫長相思。不周崩墮只下土。破天一角誰與補。石頭五色爛如花。女媧十筭高能許。君不見。朱提着銅銀墮。賸心銀之鴈。知何限。蜘蛛借雨許。驪置絡緯。將聲混紡車。巧則巧矣。真則差。鄭君號完淳。陳君請我說。我謂淳之完。辟彼雲中月。自雲自月自掃除。高圍依舊金蟾蟾。

閩工某。暮伯時昭君下嫁圖。單于親迓之。隨騎士胡姬。姬嬌而騎。與單于竝。孳健可畏。鞞衣結束。文馬華旌。及姬之靴帽。竝妍絢可愛。而掌琵琶者。尤勝。胡決不辦此。李蓋以意爲之。取悅人目。馬三兄投賦賦之。

毛奴索金蟾不予。貌取西施爲媼母。一朝遠嫁作闕氏。不及宮斜一抔土。奴也貌媼故不真。龍眠貌媼相隔千餘春。朝風莫雪一萬里。紛腮那得嬌如此。故知兩貌師。彼此妍媸雖各別。竝是以意而爲之。人生觸處有不幸。東脫網罟西亦穿。漢宮顏色不及天子知。胡廷憔悴未必單于終始相親近。琵琶小妾百雙眉。是胡是漢盡花枝。老羝夜醉葡萄酒。遮人氍毹知不知。

朱次公讀書飛來山。羣彥過訪。攜飲塔顛。方拈六韻擬賦。雨至。踉蹌而下。漫聞次之。
枕書小睡門開半。客來就榻彈書喚。攜壺醉客相輪尖。餓鶴窺舖攪雲亂。僧廚沸酒百蚊飛。雙棗沈茶紫
蘭微。酒罷書橫依舊睡。夢爲蝴蝶別花歸。

崧臺醋

辣鼻作犀向月叩。便啣鼻涕一尺長。十叩九低頭作鷲。才能一嚏噴作霧。積年糟蠱爛人腸。雲從毛孔走
大荒。一戰笑受糟會降。伯倫無婦堪詒左。誰持五斗來賀我。戰捷知真卻病不。與敗少渠真不可。西國葡
萄那得來。吾鄉豆醴逐家堆。黃公握曲千年返。卓氏當壚百店開。新渦放水荷花白。舊棧濺珠黃琥珀。個
個軒開忉利天。人人夢到華胥國。華胥國。浪醜醜。生無歡。死無哭。孟公紫葢賽黃獨。綠臺大拇抽肥玉。一
澆一段魯徵生。閉在春盜餉醉人。一嘔一嚏醉輒醒。醒來卻苦多煩惱。醒固不惡醉亦好。

張旭觀公孫大娘舞劍器

大娘只知舞劍器。安識舞中藏草字。老顛警眼拾將歸。腕中便覺蹲三昧。大娘舞猛懶亦飛。秃尾錦蛇多
兩腓。老顛蛇黑墨所爲。兩蛇猝怒鬪不歸。紅氈粉壁爭神奇。黑蛇比錦誰叩低。野雞啄麥翟與翬。一姓兩
名無雄雌。老顛蘸墨捲頭髮。大娘幘頭舞亦脫。留與詩人謔題跋。常熟翁來索判頻。常熟長官錯恠人。

書茅氏畫畫閣絲綸圖。茅老將贈一貴人。

小李將軍固名筆。輕描細染工如織。若圖臺閣與絲綸。界畫便須三十日。茅君揮灑無一塵。只如此幅自

清真瀟瀟數點江湖墨。寫出巖廊輔世人。

附畫風竹於篋。送子甘題此。

送君不可俗。爲君寫風竹。君聽竹梢聲。是風還是哭。若個能描風竹哭。古云畫虎難畫骨。

漁圖

何人畫秋色。蘆花繡如組。罷釣睡孤舟。月滿瀟湘浦。撒網打魚驚雁飛。釣竿閒挂冷魚磯。醉餘正好割鮮膾。恠殺松鱸畫裏肥。

壽王生

四十年前王國鳴。紅帶編繩束髮青。衆客對之俱含情。我亦把酒勸一觥。欲引其筇驕不應。今來轉睛年六十。頭髮雖黑髭鬚白。諸朋作壽鵝雙蹠。我卻龍鍾行不得。送看一格四柿朱。令我自喫省我沽。惜少方闌唱鷓鴣。方闌若在亦醜吾。

沈將軍詩沈以鼓吹起行間。

將軍者誰沈家郎。學書學劍學漁陽。呼臬喝雉疲夜場。月低日高睡竟忘。軀幹雖小膽則強。十年從軍官參將。殺賊歸來坐五羊。明珠芡米側槩量。買得綠珠可姓梁。一妻五妾愁專房。廣西藤酒世無雙。海南紅螺不假鑲。直錢雖少貴天生。鸚鵡不談立酒旁。文犀玳瑁細碎粧。龍腦一縷飛中央。左縣翡翠玉蟲螿。右挂鏤金小鳳皇。迴身未步身先鏘。盼影入鬢斜月光。拽郎髭鬚郎吻張。大卮小卮響喉嚨。池中豈少雌鴛鴦。

鴛安得老鶻專頡頏。郎誰與歡思邊疆。誰者換馬邯鄲娼。盧龍將軍急才良。見郎謂何用不臧。且試鎖鑰扼背吭。分道密雲汝往當。漢家猛士守四方。沈郎沈郎不尋常。我思古人等雁行。吹簫者誰勃丞相。

春野圖

北門之外多佳麗。白水茫茫遠天際。中有幽人春野翁。摘荷採菱紉衣袂。春野讀書會萬卷。只今一字不欲看。只將元氣手中調。不許紅塵眼中散。作者鑄鼎鍊九還。吾欲從之乞一丹。青牛在田不肯語。輕裘大笠天將雨。

劉雪湖梅花大幅

梅花自是花中魁。畫梅花者今數誰。雪湖劉子故不俗。未畫梅花先寫竹。花梅篠竹兩相於。直榦橫梢鏡不如。最好片雲遮一抹。尤宜大雪踏孤驢。我與劉君相見初。較量長短捋髭鬚。圈花少讓元章筆。發榦元章不若吾。捉筆呼煤將發榦。閉門自不令人看。須臾歇筆乃開門。一掃槎枒三丈絹。我客金陵訪畫梅。畫梅莫妙盛行之。劉君放逸不可羈。一劉一盛無雄雌。我今白日題梅畫。恍忽如夢羅浮夜。覺來香風攪衣帶。花下美人是何代。

洞巖入甃口有石枰石橋及石池諸景

洞梁高負泥沙惡。一軀巧骨裹痴鞞。昨聞已是三十年。今夕張燈始捫摸。初疑螺尾不可梯。再進再折無盡期。魚腦別波枯未已。屐腳逢沙澁懶移。人言此語得大槩。卻須請君說細微。桃根倒殢蟲嚙久。蜜脾仄

挂蜂歸稀。二洞三洞止一隙。解衣臥洞身投髓。三洞之門曰髓口。蒼杯爛斧。或有人石橋浸影終無月。當時蔣侯身不死。一去親贖五日米。遙聞櫓響送江船。頭上恐是錢塘水。附云。洞巖寺及田地。俱鄉人蔣二舍。今鹽橋蔣相公是也。避秦豈直武陵隈。何事桃花不出來。星河作影當歸路。疑是淳于夢大槐。

蘭泉篇

白虹細細三千尺。蘭若葉葉垂青碧。百草諸芳不敢吹。惟有湘洲杜若與之齊。浴蛟飲鹿無不可。漱齒洗耳隨君宜。

